

玉海



040

1000 :29

34837

玉海卷第六十八

浚儀王應麟伯厚藋

禮儀

禮制上

古者宮室車輿以爲居衣裳冕弁以爲服尊爵俎  
豆以爲器金石絲竹以爲樂以適郊廟以臨朝廷  
以事神而治民其歲時聚會以爲朝覲聘問權忻  
交接以爲射鄉食饗合衆興事以爲師田學校下  
至里閭田疇吉凶哀樂莫不一出於禮由以教其  
民爲孝慈友悌忠信仁義常不出於居處動作衣

服飲食之間三代以亡遭秦變古後之有天下者  
一切用秦雖有欲治之主牽於時俗安於苟簡而  
已自漢以來史官所記皆有司之事爾所謂禮之  
末節也

伏羲嘉禮

禮記外傳嘉禮者好會之事起自伏羲以儷皮爲幣  
始制嫁娶

又禮記正義通典月令正義按  
世本伏羲制以儷皮嫁娶之禮

黃帝五禮

禮記正義尊卑之禮起於遂皇伏羲之時易道旣彰  
禮事彌著古史考云制嫁娶以儷皮爲禮則嘉禮始

於伏犧也郊特牲云伊耆氏始爲蜡熊氏曰卽神農則祭祀吉禮起於神農也又史記云黃帝戰涿鹿則有軍禮易繫辭黃帝九事章則有凶禮論語撰考云軒轅知地利九牧倡教是賓禮也自伏犧以後至黃帝吉凶賓軍嘉五禮始具論語殷因夏禮周因殷禮則夏商亦有五禮鄭康成注大宗伯云唐虞有三禮至周分爲五禮不言夏商者書篇散亡夏商之禮絕據周禮有文者而言周公攝政六年致太平述文武之德而制禮

皇氏云禮理起於太一禮事起於遂皇

禮名起於黃帝



祭統禮有五經莫重於祭注吉凶賓軍嘉以吉禮爲首

堯禮

後漢曹褒傳元和二年詔曰帝命驗曰順堯考德題期立象注宋均注曰堯省河洛得龜龍之圖書舜受禪後習堯禮得之演以爲考河命題五德之期立將起之象凡三篇在中候禮記外傳唐虞之際五禮明備

虞五禮 三禮 五典

舜典慎徽五典

注五常之教父義母慈兄友弟恭子孝舉八元使布之於四方朱氏曰父

子行親君臣有義夫婦有信  
**修五禮五玉**注修吉內賓

等諸侯執其玉疏以周五禮為此五禮者此篇類於

帝也如喪考妣也羣后四朝賓也大禹謨女

祖征軍也堯典女子于時嘉也五禮之事並見於經鄭

氏云公侯伯子男之禮漢郊祀志脩五禮五樂注

五禮吉凶**契作司徒敷五教**五常**五品**疏云謂品秩

軍實嘉也即父母兄弟子孫是也朱氏曰五

品父子君臣夫婦長幼朋友之名位等級**咨伯作秩**

**宗典朕三禮**注天地人之禮疏秩宗即周之宗伯

以佐堯通典天地唯吉禮其餘四禮並人事兼之

爾雅曰墳大防也信張平子說三墳三禮禮為人防

書曰典朕三禮**臯陶謨天叙有典敕我五典五**

**惇哉天秩有禮自我五禮有庸哉**注公侯伯子男五

再見於虞書而孔注自為抵牾王肅云五禮謂王公

卿大夫士鄭玄云天子諸侯卿大夫士庶民各以意

萬曆丁亥年  
監生華師甫

說史舜紀堯乃試舜五典百官皆治

三禮至周分為五禮

周禮宗伯疏禮論云唐虞有通典脩贄類帝吉禮也釐降

嬪虞嘉禮也群后四朝賓禮也征于有苗軍禮也遏

密八音凶禮也自伏羲以來五禮始彰堯舜之時五

禮咸備

禮記正義同云舜時五禮具備云三禮者據事天地與人為二禮

王制正

義鄭志云唐虞之禮五載一巡守

虞禮樂制度

黃帝禮樂制度

王制五年天子一巡守歲二月東巡守至于岱宗柴

望祀山川觀諸侯問百年就見之命太師

太師掌陳樂之官陳

詩以觀民風命市納賈以觀民之好惡命典禮考時

月定日同律禮樂制度衣服正之山川神祇有不舉者爲不敬不敬者君削以地宗廟有不順者爲不孝不孝者君絀以爵變禮易樂者爲不從不從者君流革制度衣服者爲畔畔者君討有功德於民者加地進律南巡如東禮汴天子以海內爲家時一巡省之五年者虞夏之制也周則十二歲一巡守正義典禮之官於周則太史也正定甲乙之日陰管之同陽管之律玉帛之禮鐘鼓之樂及制度衣服各有差等舜典云同律度量衡大意與此同也

堯典云五載一巡

守正謂虞也連言夏耳

王制又曰三公一命卷注虞

夏之制天子服有日月星辰又曰諸侯五年一朝注  
虞夏之制諸侯歲朝周制六服各以其服數來朝五  
年一巡守者虞夏之制周則十二歲一巡正義堯典  
五載一巡守謂虞也若夏與殷依鄭志當六年一巡  
守又曰天子三公九卿二十七大夫八十一元士注  
此夏制也又曰諸侯祔則不禘注虞夏之制諸侯歲  
朝廢一時祭 通典歲二月云 云 又命典禮之官考  
校四時月日及候氣之律呂所用禮樂宮室車旗等  
制度君臣上下之衣服皆以王者所頒制度考校之  
周官六年五服一朝又六年三乃時巡考制度于

四岳 史秦紀由余曰黃帝作爲禮樂法度身以先  
之 湯子問道篇虞夏襲堯之爵行堯之道法度彰  
禮樂著

書觀四岳群牧班瑞于群后協時月正日同律度量

衡修五禮五玉

漢郊祀志  
作五樂

三帛命伯夷作秩宗典三

禮命夔典樂教胄子八音克諧神人以和欲觀古人

之象日月星辰出龍華蟲作會宗彛藻火粉米黼黻

絺繡以五采彰施于五色作服欲聞六律五聲八音

在治忽以出納五言夔曰夔擊鳴球搏拊琴瑟以詠

祖考來格虞賓在位羣后德讓下管鼗鼓合止祝啟

笙鏞以間鳥獸蹠蹠簫韶九成鳳凰來儀

夏禮 殷禮 夏殷禮

中庸子曰吾說夏禮杞不足證也吾學殷禮有宋存焉 論語殷因於夏禮周因於殷禮所損益可知也

禮器天子之冕朱綠藻十有二旒注朱綠似夏殷禮也周禮天子五采藻 祭統春禘夏禘注謂夏殷

時禮 祭義注春禘者夏殷禮也周以禘爲殷祭更名春祭曰祠 詩清廟疏以王制之法及鄭志所云

殷禮春禘夏禘 內宰疏夏殷之禮爵命不及於士

周之禮上士三命中士再命下士一命

殷六禮 七教 周十二教 見官制司

殷禮 商禮俗

記王制司徒脩六禮以節民性 冠昏喪祭鄉相見 明七教以

興民德 父子兄弟夫婦君臣長幼朋友賓客 齊八政以防淫 飲食衣服事爲異別

度量數制 正義此六禮七教並是殷禮周則五禮十二教

也 書洛誥王肇稱殷禮祀于新邑咸秩無文疏時

制禮已訖而云殷禮者此殷禮卽周公所制禮也雖

有損益以其從殷而來故稱殷禮旣用騂牛明用周

禮顧氏云舉行殷家舊祭祀用周之常法言周禮卽

殷家之舊禮也鄭立云王者未制禮樂常用先王之

禮



禮樂周公制禮樂既成不使成王卽用周禮仍令用殷禮者欲待明年卽政告神受職然後班行周禮故告神且用殷禮也 君奭殷禮陟配天多歷年所

郊特牲注魯公之郊用殷禮 詩殷武箋商邑之禮

俗翼翼然可則倣 樂記注武王使箕子視商禮樂之官

殷王居明堂禮

月令迎春東郊注王居明堂禮日出十五里迎歲蓋

殷禮也周近郊五十里

正義逸禮篇名 顏師古以爲文王當攷

仲春

高禘注王居明堂禮曰帶以弓鞬 季春磔犧注亦

引之 仲秋水始涸注引季秋除道 仲冬引孟冬

之月命農畢積聚收牛馬 季冬引季冬命國爲酒

合三族君子說小人樂 禮器注引仲秋乃命國釀

蔡邕明堂論亦引之

唐禮志貞觀中顏師古議明

堂曰文王居明堂之篇帶弓韉禮高禘九門磔禳國

有酒以合三族推其事皆與月令合則皆在路寢也

會要無文王字 又有置 詩疏袁準正論云古有

除道以利農夫一句 王居明堂之禮月令則其事也

### 夏殷國典

月令季冬天子與公卿大夫共飭國典論時令以待

來歲之宜注飭國典者和六典之法也周禮以正月  
爲之建寅而縣之今用此月所因於夏殷也

周五禮 六儀 五典 武王五教  
十六禮

禮大司徒六藝

注禮五禮之義

以五禮防萬民之僞

教之中

保氏教六藝一曰五禮

吉凶軍

教之六儀

曰祭祀賓客朝廷喪紀軍旅車馬之容

祭祀齊齊皇

皇皇朝廷濟濟翔翔喪紀纍纍顛顛

祭祀賓客穆穆

謂曲禮五其別三十有六

疏大宗伯總掌

吉禮之別

十有二

祀賓祭燔燎血祭禋沈鬻辜肆獻裸饋食

祠禴嘗烝

凶禮之別五

喪荒弔會恤

賓禮之別八

朝

宗覲遇會同問視

軍禮之別五

大師大均大田大役

大封嘉禮之別六

飲食昏冠賓射饗燕服膳賀慶

小宗伯掌五禮之禁令與其用等

籩人注今吉禮

存者特牲少牢諸侯之大夫士祭禮也皆云饋食之

禮內宰以陰禮教六宮九嬪都宗人正都禮家

宗人掌家禮記明堂位周公攝政六年制禮疏周

官儀禮也樂記武王云五者天下之大教也疏

郊射一禘冕二祀明堂三朝覲四耕籍五書周官

司徒敷五典注五常之教疏五典卽五教謂父義母

慈兄友弟恭子孝也 君牙弘敷五典

周九儀 九禮 五儀

大宗伯以九儀之命正邦國之位每命異儀貴壹命

受職始見命再命受服受玄冕三命受位列國之卿

於四命受器公之孤始五命賜則則地未成國之名

成爲則方六命賜官其臣治家邑如諸侯七命賜

國王之卿六命出八命作牧侯伯有功德者九命作

伯上公有功德者加命爲二伯得征五侯九伯者以

作以臣爲主小宰八成五曰聽祿位以禮命注司

其實一而已九賜也玄謂九命之差等疏謂典命堂諸侯之五

若大宗蓋九儀從一命以至九

儀諸臣之五等之命

注五儀公侯伯子男之儀五等謂孤以下四命三命再命一命不命

也疏此五儀有三等之命命雖有同者其儀皆異大宗伯據九等之命爲九儀命異儀卽異此據五等之爵爲五儀是以命上公九命爲伯其國家宮室車旗衣服禮同儀有異

儀皆以九爲節侯伯七命以七爲節子男五命以五爲節王之三公八命其卿六命其大夫四命及其出封皆

加一等諸侯適子誓於天子攝其君則下其君之禮一

等未誓以皮帛繼子男公之孤四命以皮帛眠小國之

君其卿三命大夫再命士壹命侯伯之卿大夫士亦如

之子男之卿再命大夫壹命士不命宮室車旗衣服禮

儀各眠其命之數

典命所言自尊以及卑大宗伯所言由小以及大天子制命於上諸侯承

命於下而皆有儀焉內宰疏見上

大司馬九法設儀辨位以等邦國

謂諸侯及諸臣之儀

大行人以九儀辨諸侯之命等諸臣之爵

以同邦國之禮而待其賓客

九儀謂命者五公侯伯子男爵者四孤卿大夫士

諸侯之王事辨其位正其等協其禮小行人協九儀

賓客之禮朝覲宗遇會同君之禮也存覲省聘問臣之

禮也司儀掌九儀之賓客擯相之禮以詔儀容辭令

揖讓之節詔王儀南鄉見諸侯土揖庶姓時揖異姓天

揖同姓擯之各以其禮掌訝掌邦國之等籍等九儀之籍

掌交論九禮之親九儀之禮

大司徒十二教五日以儀

辨等杜子春注謂九儀

史簡相如傳秦設九賓於廷注韋昭曰九賓則問

禮九儀索隱曰  
九服之賓客

左傳宋左師獻公合諸侯之禮六

注其禮  
六義

子產獻伯子男會公之禮六

周九儀記先王之制莫急於儀惟周質隆朝有朝儀射有射儀車有車儀樂有樂儀而玉帛弁冕鳥之容藹如也鸞和環佩瑀琚之聲鏘如也升降出入之際翼如也而賓儀之辨尤極纖悉蓋朝覲宗遇歲有常禮弁冕紳綬四方朝貢麟次輻集交際酬酢爵列少紊則禮容乖錯而位著不恪其係於觀瞻豈細事哉抑嘗紬繹周官辨儀之深意還觀九儀布在六典馭貴富以爵祿詔於太宰聽祿位以禮命敘於小宰以儀辨等見於大司徒正儀辨位見於大司



馬至其命秩則掌於春官意者出爵賜命藹然如春所以昭示上仁其儀章則詳於秋官意者序爵秩禮肅然如秋所以森嚴典憲擯相謹於司儀禮籍具於小行人掌訝辨其邦國之等掌交論其九禮之親康成傳經皆以九儀釋之然儀之別雖至於九儀之總不過乎五又約而言之則三而已故典命之敘諸侯曰五儀諸臣曰五命而軻書王制之序爵皆五等也武成之列爵惟五於是可攷矣司服有公之服侯伯之服子男之服掌客有公之禮侯伯之禮子男之禮行人敘諸侯則曰如諸公男則曰如諸子而司儀贊見亦爲壇三成序揖皆三等也武成之分土惟三於是可驗

矣王朝內臣外祗侯邦之秩上公之孤旁祗小國之君由卿三命下而至士至於一命則侯伯所周由卿再命下而至士微或不命則子男所獨大槩亦不越乎三耳儀以九爲數故詳而難紊儀以三爲等故簡而易明至其品節隆殺之間尤截截可攷三公在朝止於八命及其出封惟加一等故典命之論禮儀必以九爲節而王制之論加賜不過九命有如王者袞冕盛於九章上公之服則無升龍別嫌明微其分辨嚴矣然至於合諸侯長則其十有二獻蓋禮不可以力踰禮不厭其從厚是固先王闢闔之大用王綱不

振舊章湮汨玉穀同賜而等列無所辨繁纓假人而名器無所司金奏施於陪臣雍徹僭夫天子滕薛爭長蔡衛爭先宋不受功鄭不承賦甚至班爵去籍而益蕩然矣漢氏革朔百官之制綿蕞一代之禮長樂朝儀設九賓之臚傳德陽朝賀作九賓之徹樂韋昭注史謂九賓猶古之九儀若位置之有法然列爵二十等雜用秦制武功十七級特優戰士至於中朝加官之設特進賜位之殊更立紛紛非甚有紀唐之正至受朝太極百官文武之班諸郡朝集之使與夫先聖之裔先代之後文纓武褱濟濟諸蕃宗室莫不咸

在當時文士之賦亦有天子端朝明庭九賓之語訊其唐之官制視漢已愧九品敘爵階區區泐襲隋陋仰企成周不亦大有逕庭乎噫大經大法存乎禮度數纖悉具於儀魯昭習儀君子不謂知禮趙簡子問儀子大叔力辨其非禮其有以也先王盛時九畿有籍外列蠻夷鄭氏之注以爲禮差之書大宗伯九儀之命非但行乎六服之內必有大者以維持乎是故曰禮儀三百威儀三千待其人然後行

周六禮

春官大宗伯以肆獻裸享先王以饋食享先王以祠

春享先王以禴夏享先王以嘗秋享先王以烝冬享

先王疏此一經陳享宗廟之六禮也詳見宗廟以賓禮親邦國春見曰朝

夏見曰宗秋見曰覲冬見曰遇時見曰會殷見曰同

義宗曰此六者為君禮時聘日問殷覲日視二者為臣禮注此六禮者以諸侯見

王為文朝猶朝也欲其來之早宗尊也欲其尊王覲

勤也欲其勤王事遇偶也欲其若不期而至時見者

言無常期諸侯有不順服者王將有征討之事則既

朝覲王為壇於國外合諸侯而命事焉春秋傳曰有

事而會殷猶衆也十二歲王如不巡守則六服盡朝

朝禮既畢王亦為壇合諸侯以命政焉 秋官大行

人春朝諸侯而圖天下之事秋覲比邦國之功夏宗

陳天下之謨冬遇協諸侯之慮時會發四方之禁殷

同施天下之政注此六事以王見諸侯爲文司馬法曰春朝圖同事夏宗陳同謀秋覲比

同功冬遇圖同慮時會侯服歲見甸服二歲見男服

施同政殷會發同禁三歲見采服四歲見衛服五歲見要服六歲見蕃國

世一見曲禮天子當依而立諸侯北面而見天子

曰覲天子當宁而立諸公東面諸侯西面曰朝注夏

宗依春冬遇依秋春秋時齊侯唁魯昭公以遇禮相

見取易畧也覲禮今存朝宗遇禮今亡

周禮經見前六經類

大宰建邦之六典。注典常也。經也。法也。王謂之禮經。常所秉以治天下也。邦國官府謂之禮法。常所守以爲法式也。常者上下通名。疏釋言云。典經也。凡言經者以經紀天下。

左傳序。宣子所見周之舊典禮經。疏傳稱分魯公備物典策。典策則史官記事之法。若發凡言例皆周公制。若所記無法。何足賜諸侯。周衰諸國多違舊章。唯春秋遵周公之典。以序時事。周之所以王文主作易象也。春秋獨遵周公典法。故先言周公之德。隱七年春同盟稱名。繼好息民。謂之禮經。注此言凡例乃周公所制禮經也。十一年不告之例。

又曰不書於策明禮經皆當書於策疏此爲禮之常法丘明意言周公謂之 閔元年仲孫曰魯猶秉周禮周禮所以本也魯不棄周禮未可動也僖二十一年成風曰崇明祀保小寡周禮也二十五年卜偃曰周禮未改今之王古之帝也 文十八年大史克曰周公制周禮曰則以觀德德以處事事以度功功以食民 宣十六年王曰享有體薦宴有折俎公當享卿當宴王室之禮也 成二年晉獻齊捷王使委於三吏禮之如侯伯克敵使大夫告慶之禮降於卿禮一等 僖十一年王以上卿之禮饗管仲受下卿之禮



昭四年左師獻公合諸侯之禮六子產獻伯子男

四百七

會公之禮六

昭二年韓宣子適魯見易象與魯春

秋曰周禮盡在魯矣吾今知周公之德與周之所以  
王十五年叔向日禮王之大經也言以考典典以志  
經二十六年王子朝告諸侯及先王之經

哀七年

子服景伯曰周之王也制禮上物不過十二今棄周  
禮而曰必百牢子貢曰大伯端委以治周禮

晉語

公子如楚楚成王以周禮享之 魯昭公自郊勞至

贈賄無失禮女叔齊曰是儀也不可謂之禮禮所以  
治其國行其政令無失其民趙簡子問揖遜周旋之

禮子太叔曰是儀也非禮也禮上下之紀天地之經  
緯民之所以生也二子知禮之本末矣然制度文爲  
雖禮之末捨此則安上治民之意無以寓

周禮籍

小行人掌邦國賓客之禮籍以待四方之使者令諸  
侯春入貢秋獻功王親受之各以其國之籍禮之注  
名位尊卑之書疏邦之禮籍諸侯及臣皆在 大司  
馬九畿之籍注其禮差之書也 掌訝掌邦國之等  
籍以待賓客注等九儀之差數 禮運天子適諸侯

必舍其祖廟而不以禮籍入是謂壞法亂紀注謂太

史典禮執簡記奉諱惡 左傳晉獻齊捷于周王告

之曰非禮也勿籍

孫伯鷹司晉典籍

王子朝奉周

之典籍以奔楚

孟子諸侯惡其害已皆去其籍

漢志諸侯惡禮制之害已去其篇籍 後輿服志戰

國削滅禮籍修奇麗之服飾其輿馬文罽玉纓象鑣

金鞍以相夸 周語富辰曰鄭未失周典太子晉曰

省其典圖刑法

### 周禮書

大史下大夫二人大祭祀與執事卜日戒及宿之日  
與群執事讀禮書而協事祭之日執書以次位常大

會同朝覲以書協禮事及將幣之日執書認王疏當此二日之時與群執事預祭之官讀禮書而協事執書者執行祭祀之書若今儀注

周制

見六經禮類

三代典禮

周語晉侯使隨會聘于周定王饗之殺烝原公相禮武子歸乃講聚三代之典禮脩執秩以為晉法文公蒐被廬作執秩之法

禮記公叔文子聽衛國之政

脩其班制

明堂位注

嶽周禮謂之距䟽非周禮正

文言周代禮儀故少牢禮俎拒是也

漢志河間周

制十八篇似河間獻王所述

儒家

周灋儀

大僕祭祀賓客正王之服位詔灋儀贊王牲事王燕  
飲相其灋行拱揖小臣掌王之小命詔相王之小灋儀注

之容

齊僕其灋儀各以其等為車送逆之節

道僕其灋儀如齊車

射人祭祀贊射牲相孤卿大

夫之灋儀

以射灋

隋志

儀注之興久矣上下親疏之別進止威儀之數

唐虞已上分之為三在周因而為五周官宗伯所掌  
而太史執書以協事之類是也

周禮樂書

儀禮鄉飲酒禮南陔白華華黍注昔周之興也周公制禮作樂采時世之詩以爲樂歌所以通情相風切也其有此篇明矣後世衰微幽厲尤甚禮樂之書稍廢棄

### 魯禮

史記齊世家景公二十六年

魯昭二十六年

獵魯郊因入魯

與晏嬰俱問魯禮

左傳無其事

左傳周禮盡在魯諸侯

宗魯於是觀禮

明堂位魯王禮也天下資禮樂焉

中庸吾學周禮今用之吾從周疏鄭荅趙商問曰魯

與諸侯皆用周之禮法

王制注魯禮三年祫

郊

特牲祭之日君袞注此魯禮也

漢叔孫通禮儀 朝儀 長樂宮朝儀

宗廟儀法 奉常儀法

叔孫通傳漢王并天下諸侯共尊爲皇帝於定陶通就其儀號高帝悉去秦儀法爲簡易群臣飲爭功醉或妄呼按劍擊柱上患之通說上曰願召魯諸生與臣弟子共起朝儀禮者因時世人情爲之節文臣願頗采古禮與秦儀雜就之上曰度吾所能行爲之通使召魯諸生三十餘人魯有兩生不肯行曰禮樂所由起百年積德而後可興也通遂與所召三十人西

及上左右爲學者與其弟子百餘人爲綿蕞野外如

曰以茅剪樹地爲纂位尊卑之次也春秋傳曰置茅蒞師古曰蒞與蒞同習之月餘通曰

上可試觀上使行禮曰吾能爲此迺令群臣習肄會

十月漢七年長樂宮成諸侯羣臣朝十月時以十月爲正月

漢正以十月爲首行朝歲之儀儀先平明謁者治禮引以次入殿門

廷中陳車騎戍卒史記云衛官設兵張旗志傳曰趨

殿中郎中俠陛陛數百人功臣列侯諸將軍軍吏以

次陳西方東鄉文官丞相以下陳東方西鄉行人設

九賓今之鴻臚也臚句傳九賓周禮於是皇帝輦出房百

官執戟傳警引諸侯王以下至吏六百石以次奉賀



自諸侯王以下莫不震恐肅敬至禮畢盡伏置法酒  
諸侍坐殿上皆伏抑首以尊卑次起上壽觴九行謁  
者言罷酒御史執法舉不如儀者輒引去竟朝置酒  
無敢謹諱失禮者高帝曰吾廼今日知爲皇帝之貴  
也拜通爲奉常賜金五百劬孝惠從通爲奉常定喪  
廟儀法及稍定漢諸儀法皆通所論著也贊曰含袍  
鼓而立一王之儀 禮志命叔孫通制禮儀以正君  
臣之位以通爲奉常遂定儀法未盡備而通終 執文志不  
載曹棗傳 通將制定禮儀見非於齊魯之士叔孫通  
云十二篇 所撰禮儀與律令同錄臧於理官法家又復不傳漢

典寢而不著。儒林傳叔孫通作漢禮儀因爲奉常諸弟子共定者咸爲選首然後喟然興於學。郊祀

志贊叔孫生畧定朝廷之儀若正朔服色郊望之事數世猶未章焉。史記禮書秦悉內六國禮儀采擇

其善雖不合聖制其尊君抑臣朝廷濟濟依古以來叔孫通頗有增損大抵皆襲秦故自天子稱號下至佐僚及宮室官名少所變改。後曹褒傳班固上叔

孫通漢儀十二篇。見曹褒禮

後志注樊長孫曰漢

家禮儀叔孫通等所草創皆隨律令在理官藏於几閣無紀錄者久令二代之業闕而不彰。通典秦收

儀禮歸之咸陽但采其尊君抑臣以爲時用 陳書

沈文阿云叔孫定禮尤失前憲莫贄不珪致享無帛

公王同璧鴻臚奏賀若此數事未聞於古 隋志

興叔孫通定朝儀武帝始祀汾陰后土成帝初定南

北郊節文漸具後漢曹褒定漢儀是後相承世有制

作 禮記疏案高祖時皇太子納妃叔孫通制禮以

爲天子無親迎 周禮疏通作漢禮器制度取法於

周 陸機集功臣頌百王之極舊章靡存漢德雖明

朝儀則昏稷嗣制禮下肅上尊穆穆帝典煥其盈門

風晞三代憲流後昆 楊子五帝垂典三王傳禮百

世不易。叔孫通起於枹鼓之間，解甲投戈，遂作君臣之儀，得也。

漢儀法 儀品

叔孫通傳：高帝悉去秦儀法，為簡易。云云。孝惠徙通

為奉常，定宗廟儀法及稍定漢諸儀法。志云：遂定儀法。賈

誼傳：以為漢興二十餘年，天下和洽，當改正朔，易服

色，制度，定官名，興禮樂，乃草具其儀法，色上黃，數用

五，為官名，悉更奏之。帝謙遜，未皇也。史梁世家：緒

先生曰：漢之儀法，朝見賀正月者，常一王與四侯俱

朝見，十餘歲一至。梅福傳：上書曰：叔孫通歸漢制

作儀品論衡曰高祖詔叔孫通制作儀品十六篇後百官志注舊制儀

品見官名韓延壽傳守潁川教以禮讓問諛俗陳

和睦親愛長老皆以為便因與議定嫁娶喪祭儀品

略依古禮不得過法令文學校官諸生皮弁執俎豆

為吏民行喪嫁娶禮百姓遵用其教建初元年秦彭

守山陽春秋饗射簡升降揖讓之儀許后傳壬寅

日大長秋受詔椒房儀法御服輿駕皆如竟寧以前

故事禮內宰注若今稱皇后為中宮矣疏漢舊儀

有此事也

漢王制

郊祀志文帝十六年四月使博士諸生刺六經中作

王制謀議巡狩封禪事史記索隱劉向七錄云文

帝所造書有本制兵制服制篇禮記王制注盧氏

云文帝令博士諸生作此篇自王者之制祿爵至六

禮七教八政正義鄭氏目錄云王制記先王班爵授

祿祭祀養老之法度鄭荅臨頌云王制在孟子後有

正聽之又有古者周尺之言知在秦漢之際或曰王

制言爵祿取孟子言巡狩取虞書言歲三田及大司

徒司馬司空三官取公羊氏言諸侯朝聘之節取左

氏其餘必皆有所授鄭氏於不可通者必曰此殷制

卷之六十六 禮記卷之六十六 王制第六

非也 史記禮書孝文卽位有司議欲定儀禮孝文  
好道家之學罷去之

賈誼請定經制今君君臣臣上下有差父子六親各  
得其宜 王吉言述修舊禮明王制

漢禮樂古事

志通沒之後河間獻王采禮樂古事稍稍增輯至五  
百餘篇今學者不能昭見但推士禮以及天子說義  
又頗謬異 漢未有立禮成樂此賈誼仲舒王吉劉向

之徒所爲增歎 敘傳河間賢明禮樂是修爲漢宗

英

宋志班氏志禮樂疎簡所漏者多典章事數百不記一

漢太初宗廟百官儀 漢官禮儀故事

朝廷制度

史記禮書武帝招致儒術之士令共定儀十餘年不就上制詔御史曰漢亦一家之事典法不傳謂子孫何化墜者閔博治淺者褊狹可不勉歟乃以太初之元改正朔易服色封泰山定宗廟百官之儀以爲典常垂於後云

封禪自制儀采儒術以文焉

郊祀志贊太初改制服色數度

遂順黃德 應劭傳建安二年遷都許昌舊章湮沒

書記罕存乃綴緝所聞著漢官儀故事

唐志職官類應劭漢官五



卷漢官儀十卷  
韋昭官儀職訓一卷

隋志

凡朝廷制度百官典式多劭

所立論當時行事著中漢輯序撰風俗通以辨物類  
名號釋時俗嫌疑文雖不典後世服其洽聞凡所著  
述百三十六篇續漢書劭著中漢輯敘漢官儀及  
禮儀故事凡十一種百三十一卷朝廷制度百官儀  
式所以不亡者由劭記之

光武紀行司隸校尉三輔吏士見司隸僚屬皆喜老  
吏武垂涕曰不圖今日復見漢官威儀識者皆屬心  
焉耿純傳謁光武於邯鄲退見官屬將兵法度不  
與宅將同遂自結納

漢儀注

帝紀注高紀二年五月注如淳曰漢儀注民年二十

二為正一歲為士一歲為材官騎士四年八月筭賦

注如淳曰漢儀注民年十五以上至五十六出賦錢

人百二十為一筭五年幸天下晉灼曰漢儀注民臣

被其德為徼幸惠紀如淳曰漢儀注省中有五尚

武紀元鼎五年如淳曰漢儀注酎黃金元封元年

引漢儀注御史有屬太初二年如淳引漢儀注立秋

羶臚宣紀本始四年師古曰漢儀注太宰令哀

紀任子令應劭引漢儀注百官表注如淳引漢儀

注如淳引漢儀注

嘉靖丙辰年二月六日

注衛率主門衛秩千石晉灼引漢儀注諸吏給事中  
平奏

**列傳注**金敞傳綠車晉灼曰漢注綠車名皇

孫車

司馬遷傳如淳曰漢儀注太史公武帝置晉灼

曰衛宏所說多不實未可以爲正 戾太子傳如淳

曰漢儀注女長御此侍中 張湯傳蘇林曰漢儀注

獄二十六所 韋玄成傳晉灼曰漢儀注宗廟一歲

十二祠 翟方進傳如淳引漢儀注 **後輿服志注**

蔡邕表志曰宜集舊事儀注以成志

漢儀 漢儀式

見律令 應劭

周禮小祝注杜子春引漢儀 章帝

紀注引丁孚漢儀式 祭祀志注引丁孚漢儀 祭

法疏案漢儀高帝廟主九寸前方後圓圍一尺后主

七寸 隋志曹褒定漢儀 通典晉顧和按衛宏撰

漢儀拜丞相亦無樂 唐志職官類丁孚漢官儀式

選用一卷

漢五禮

祭祀志建武三十二年二月上至奉高刻石文曰建

明堂立辟雍起靈臺設庠序同律度量衡修五禮

孔安

國曰公侯伯子男朝聘之禮 五玉三帛二牲一死贄

范甯云吉凶軍賓嘉也

吏各修職復于舊典

漢曹褒新禮

漢禮

禮簡

三音李夫

本傳褒父充建武中爲博士從巡狩岱宗定封禪禮  
受詔議立七郊三雍大射養老禮儀顯宗卽位克上  
言漢再受命仍有封禪之事而禮樂廢缺五帝不相  
沿樂三王不相襲禮大漢自制禮以示萬世帝善之  
改大予樂拜充侍中作章句辨難於是有慶氏學褒  
少篤志傳業尤好禮事常感朝廷制度未備慕叔孫  
通爲漢禮儀晝夜研精沈吟專思寢則懷抱筆札行  
則誦習文書拜博士肅宗欲制定禮樂元和二年下  
詔曰河圖稱赤九會昌十世以光十一以典尙書璇

璣鈐曰述堯理世平制禮樂放唐之文褒知帝旨欲  
有興作上疏曰聖人受命制禮作樂以著功德今皇  
天降祉嘉瑞並臻制作之符甚於言語宜改文制著  
成漢禮丕顯祖宗盛德之美章下太常太常集堪以  
爲一世大典非褒所定不可許帝知群儒拘攣難與  
圖始朝廷禮憲宜時刊立

肅宗紀贊左右  
文斟酌律禮

明年復

下詔曰朕以不德膺祖宗弘烈乃者鸞鳳仍集麟龍  
並臻甘露宵降嘉穀滋生赤草之類紀於史官朕夙  
夜祇畏上無以彰於先功下無以克稱靈物漢遭秦  
餘禮壞樂崩且因循故事未可觀省有知其說者各

盡其能。褒省記嘆息。復上疏具禮。陳樂之本制。改之意。拜褒侍中。以事下三公。未及奏詔。召玄武司馬班固。問改定禮樂之宜。固曰。京師諸儒多能說禮。宜廣招集。共議得失。帝曰。諺曰。作舍道邊。三年不成。會禮之家。名爲聚訟。互生異議。筆不得下。昔堯作大章。一夔足矣。章和元年正月。乃召褒詣嘉德門。令小黃門持璫。固所上叔孫通漢儀十二篇。敕褒曰。此制敵略多。不合經。今宜依禮條。正使可施行於南宮。東觀盡心集作。褒旣受命。乃敘次禮事。依準舊典。雜以五經。讖記之文。撰次天子至於庶人。冠昏吉凶終始制度。

以爲百五十篇寫以二尺四寸簡其年十二月奏上

帝以衆論難一故但納之不復令有司平奏和帝卽

位褒乃作爲章句帝遂以新禮二篇冠

永初三年正月甲子擢

褒監羽林左騎後

五年十一月乙丑

太尉張酺尙書張敏等

奏褒擅制漢禮破亂聖術宜加刑誅帝雖寢其奏漢

禮遂不行范曄論曰孝章永言前王明發興作專命

禮臣撰定國憲而業絕天算議黜異端斯道復墜矣

樂非夔襄而新音代起律謝臯蘇而制令亟易修補

舊文獨何猜焉

張奮傳永元十三年拜太常上疏

漢當改作禮樂圖書著明謹條禮樂異議三事願下



有司以時考定先帝已詔曹褒今但奉而成之猶周公斟酌文武之道非自爲制帝善之未行。張衡傳永初中謁者僕射劉珍校書郎劉駒駱等著作東觀撰集漢記因定漢家禮儀上言請衡參論其事會重卒衡常歎息欲終成之

劉歆書曰綴學之士因陋就寡信口說而背傳亂是末師而非往古至國家將有大事若立辟雍封禪巡狩之儀則莫知其原

漢舊儀

儒林傳衛宏好古學光武以爲議郎宏作漢舊儀四

篇以載西京雜事 隋志漢舊儀四卷衛敬仲撰

同儀注類 梁有衛敬仲漢中興儀一卷 亡 中興書

目今存者三卷非宏全書 崇文目同 元封舊儀見

封禪 武紀注引漢舊儀通天臺高三十丈 成紀

注師古引漢舊儀云尚書四人爲四曹 孔光翟方

進傳注引之 又祭祀志注 宋志漢世朝臣見三公

並拜丞郎見八座皆持板揖事見漢儀及漢舊儀

列傳伏湛光武知湛名儒拜尚書使典定舊制 侯

霸曰漢家舊制丞相拜日封爲列侯 張純奏漢舊

制三年一祿 陳忠上疏大漢之興先王之制稍以

施行藉田之耕起於孝文孝廉之貢發於孝武郊祀  
之禮定於元成三雍之序備於顯宗 荀爽對策今  
臣僭君服下食上珍空略依古禮尊卑之差及董仲  
舒制度之別注仲舒曰王者正法度之宜別上下之  
序以防欲也

隋志職官類蔡質漢官典儀式選用二卷

唐志

職官類蔡質漢官典儀式一卷

書目漢官典儀式

一卷

衛尉蔡質撰記漢官位序職掌及上書謁見儀式

本

二卷缺一卷李暉補之

漢禮威儀

漢制度

見禮類漢禮器制度

續禮儀志 夫威儀所以定君臣序六親也若君亡君之威臣亡臣之儀上替下陵是謂大亂可不謹哉故記施行威儀以爲志禮威儀每月太史上其月曆合朔立春五供上陵冠夕牲耕高禱養老先蠶袞襖立夏請雨拜太子拜王公桃印黃郊立秋驅劉案戶祠星立冬冬至臘大儺土牛遣衛士朝會大喪諸侯王列侯始封貴人公主薨 謝沈書太傅胡廣博綜舊儀立漢制度蔡邕依以爲志譙周後改定以爲禮儀志 宋志司馬彪集後漢衆注以爲禮儀志校其行

事與前漢頗不同

漢郊祠禮儀 郊祀封禪禮儀 郊廟昏

冠禮儀 七郊三雍大射禮儀

後傳樊儵永平元年拜長水校尉與公卿雜定郊祠禮儀以讖記正五經異說 梁松遷虎賁中郎將明習故事與諸儒修明堂辟雍郊祀封禪禮儀常與論議 張純在朝歷世明習故事建武初舊章多缺每有疑議輒以訪純自郊廟婚冠喪紀禮儀多所正定 曹克禮儀 見上 董鈞永平初爲博士時草創五郊祭祀及宗廟禮樂威儀章服輒令鈞參議多見從用

漢中興禮儀

見養老

漢甘泉遺儀

文選任彥昇薦士表甘泉遺儀注胡廣漢官制度曰天子出車駕次第謂之鹵簿長安時出祠天於甘泉用之名曰甘泉鹵簿

漢洛邑制度

班固傳時京師修起宮室洛治城隍固乃上兩都賦盛稱洛邑制度之美以折西賓滛侈之論東都賦遷都改邑有商宗中興之則焉卽土之中有周成隆

平之制焉永平之際三雍巡守蒐狩會同命有司在  
憲度不知京洛之有制也

漢禮器制度

見三禮類

南齊志漢初叔孫通制漢禮而班固之志不載東京  
大尉胡廣撰舊儀左中郎蔡邕造獨斷應劭蔡質咸  
綴識時事而司馬彪之書不取魏侍中王粲尚書衛  
覬集創朝儀而魚豢王沈陳壽孫盛並未詳也吳則  
太史令丁孚拾遺漢事蜀則孟光許慈草建衆典

漢禮

儀禮鄉射禮疏中人之迹尺二寸者無正文漢禮云  
五武成步步六尺或據此而言也

### 魏官儀

衛覬傳受詔典著作又爲魏官儀 隋志梁有荀攸

魏官儀一卷 上 齊百官志今有魏氏官儀魚豢中

外官 王粲傳拜侍中時舊儀廢弛典造制度粲常

典之 衛覬與粲並典制度 王肅傳所論駁朝廷典

制郊祀宗廟凡百餘篇 王基傳散騎常侍王肅著

諸經傳解及論定朝儀改易鄭玄舊說而基據持玄

義常與抗衡



魏晉儀注

春秋正義魏晉儀注寫章表別起行頭者謂之跳出  
晉志魏氏光宅憲章斯美王肅高堂隆之徒博通  
前載三千條之禮十七篇之學各以舊文增損當世

晉新禮

志魏氏承漢末大亂舊章殄滅命侍中王粲尙書衛  
覲草創朝儀及晉建國文帝命荀顛因魏代前事撰  
爲新禮唐志荀顛等晉雜議十卷在儀注類參攷今古更其節文羊祜

任愷庾峻應貞並共刊定成百六十五篇奏之太康  
初尙書僕射朱整奏付尙書郎摯虞討論之虞表所

宜增損曰臣典校故太尉顓所撰五禮臣以爲革命  
垂統帝王之美事隆禮率教邦國之大務也此禮當  
頒於天下不宜繁多顓爲百六十五篇篇爲一卷合  
爲十五餘萬言臣猶謂卷多文煩類皆重出按尚書  
堯典祀山川之禮惟於東嶽備稱幣之數陳所用  
之儀其餘則但曰如初周祀天地享先王其事同者  
皆曰亦如之文約而義舉今禮儀事同而名異者輒  
別爲篇卷煩而不典皆宜省文而通事隨類合之事  
有不同乃別其異如此所減三分之一虞討論新禮  
訖以元康元年上之所陳惟明五帝二社六宗及吉

凶王公制度凡十五篇有詔可其議後虞與傅咸續其事竟未成功虞之決疑注是其遺事也逮于江左僕射刁協太常荀崧補緝舊文光祿大夫蔡謨又踵脩其事晉始則有荀顗鄭冲裁成國典江左則有荀崧刁協損益朝儀

魏咸熙元年七月晉王奏司空荀顗定禮儀太保鄭冲摠裁

**列傳**荀顗咸熙中蜀平

命顗定禮儀顗上請羊祜任愷庾峻應貞孔顗共刪

改舊文撰定晉禮

顗明三禮

裴秀魏咸熙初荀顗

定禮儀賈充正流律而秀改官制議五等之爵創制朝儀張華晉史及儀禮憲章並屬於華多所損益

摯虞元康中遷吳王友時荀顗撰新禮便虞討論得失而後施行 應貞與荀顗撰定新禮 唐志儀

注類摯虞決疑要注一卷

文選東京賦注後漢祭祀志注魏王粲傳注決疑

西文注

宋志魏初則王粲衛覬典定衆儀蜀朝則孟光許慈創理制度晉始則荀覬鄭冲詳定晉禮江左則荀崧刁協緝理垂紊其間名儒通學諸所論叙往往新出 摯虞新禮議魏氏無巡狩故事 齊志光祿大夫

蔡謨又踵修輯

晉新定儀注

隋經籍志儀注類新定儀注四十卷晉安成太守傅  
瑗撰又晉雜儀注十一卷晉尚書儀十卷甲辰儀五  
卷江左撰封禪儀六卷職官類晉新定儀注十四卷  
梁尚書職制儀注四十一卷

唐志晉尚書儀曹新

定儀注四十一卷晉儀注三十九卷傅瑗晉新定儀  
注四十卷晉尚書儀曹古禮儀注三卷晉尚書儀曹  
事九卷晉雜儀注二十一卷

書正義晉初荀顛定

新禮以六宗之神諸說不同廢之摯虞駁之謂宜依  
舊

晉脩禮學

戴邈傳元帝草創學校未立邈上疏曰帝王至務莫重於禮學宐以三時之隙漸就脩建於是始脩禮學

晉中興朝儀

中興故事

荀崧傳元帝踐阼拜尚書僕射使崧與刁協共定中興朝儀成帝紀咸康六年初依中興故事朔望聽政東堂蔡謨傳於禮儀宗廟制度多所議定刁協傳朝臣無習舊儀者協久在中朝諳練舊事凡制度皆稟於協

梁江革悉朝儀故事撰江左遺典三十卷

齊職儀 又見官制

南齊王珪之有史學撰齊職儀永明九年子顯上啟  
曰臣父以宋元徽二年被敕纂集等級掌司黜陟遷  
補章服之差冠佩之飾凡五十卷詔付秘閣 百官  
志諸臺府郎令史職吏以下具見長水校尉王珪之  
職儀世祖敕儀曹令史撰江左以來儀典令諮受徐  
孝嗣 南史袁樞議引齊職儀 隋志齊職儀五十  
卷長水校尉王珪之撰梁有王珪之齊儀四十九卷  
亡

梁儀注

隋禮儀志高堂生於所傳士禮亦謂之儀黃初之詳

定朝儀太始之削除乖謬宋書言之備矣梁武始命  
群儒裁成大典陳許亨奏曰梁儀注曰一獻爲質三  
獻爲文事天之事故不二獻 經籍志梁丘仲孚皇

典二十卷

仲孚又撰尚書具事雜儀

鮑泉撰新儀三十卷鮑行卯

撰皇室儀十三卷

唐志王逸齊典四卷丘仲孚皇

典五卷

周興嗣撰職儀

北史魏王慧龍撰帝王制度十八篇號曰國典常聚

修儀注撰大和後朝儀已施行者凡五十餘卷

隋

志王遂之禮儀制度十三卷

儀注

唐志常聚後魏

儀注五十卷



齊梁五禮 陳五禮

通典齊武帝永明二年詔尚書令王儉制定五禮至  
梁武帝命群儒又裁成焉吉禮則明山賓凶禮則嚴  
植之軍禮則陸璉賓禮則賀瑒嘉禮則司馬叡又命  
沈約周捨徐勉何佟之張充庾於陵參會其事

齊

志永明二年太子步兵校尉伏曼容表定禮樂詔尚  
書令王儉制定新禮立治禮樂學士及職局因集前  
代撰治五禮 梁徐勉傳受詔撰五禮普通六年畢  
表上之曰晉氏新禮荀顛制於前摯虞定於末齊永  
明五年伏曼容表求制禮樂時置學士十人修五禮

詒稟王儉歷年未就又付何胤徐孝嗣遺文散失天

監元年沈約等議五禮各置學士一人人各自舉二

人抄撰嘉禮儀注以天監六年五月七日上一百一十二帙

六卷五百三十六條司賓禮儀注以六年五月二十

日上五條賀瑒傳云一百三十三卷五百四十軍禮儀注以

九年十月二十九日上九卷二百四十一條吉禮儀注

以十一年十一月十日上二十六卷二千五百一內禮儀

注以十一年十一月十七日上四十七卷五千六百七十三

條又別副祕閣及五經典書各一通繕寫校定普通

五年二月始畢詔有司遵行大凡一百二十帙一千

一百七十六卷八千十九條

表以爲網羅經誥玉振

金聲義貫幽微理入神契前儒所不釋後學所未聞

隋志梁吉禮儀注十卷明山賓撰賓禮儀注九卷

賀瑒撰案山賓撰吉儀注二百六卷錄六卷嚴植

之撰凶儀注四百七十九卷錄四十五卷陸璣撰軍

儀注一百九十卷錄二卷司馬攸撰嘉儀注一百十

二卷錄三卷並亡存者惟十九卷自梁以來始以當

時所行傳周官五禮之名各立一家之學紀天監

初何佟之等述制旨并撰五禮一千餘卷帝稱制斷

疑唐志嚴植之南齊儀注二十八卷沈約梁儀注

十卷。又梁祭地祇陰陽儀注二卷。明山賓等梁吉禮十八卷。梁吉禮儀注四卷。又十卷。梁尚書儀曹儀注十八卷。賀瑒等梁賓禮一卷。儀注十三卷。陸璣梁軍禮四卷。司馬聚梁嘉禮三十五卷。又嘉禮儀注四十五卷。南史陳天嘉元年。張崖爲儀曹郎。廣沈文阿儀注撰五禮文。阿撰儀禮八十餘條。沈不害修五禮著五禮儀一百卷。沈德威兼五禮學士唐志陳吉禮儀注五十卷。張彥陳賓禮儀注六卷。

隋五禮

通典後魏孝文率由舊章。擇其令典。朝儀國範。煥乎

復振北齊則陽休之元循伯熊安生後周則蘇綽盧

辨宇文弼並習於儀禮隋文帝命牛弘辛彥之等採

梁及北齊儀注以為五禮一本云文帝開皇二年命禮部尚書牛弘修五禮勒

成百卷詔頒行之辛彥之傳與牛弘撰新禮撰禮要一部

隋志隋朝儀禮一百卷牛弘撰開皇初弘撰儀禮百卷悉用東齊儀

注以為準亦徵采王儉禮紀仁壽二年閏十月己

丑詔楊素蘇威牛弘薛道衡許善心虞世基王邵並

修定五禮唐志牛弘潘徽隋江都集禮一百二十

卷隋志一百二十六卷又見禮類序

玉海卷第六十八

玉海卷第六十九

後儀王應麟伯厚甫

禮儀

禮制 下

唐貞觀禮 大唐儀禮

禮樂志自梁以來始以其當時所行傳於周官五禮之名各立一家之學唐初用隋禮至太宗時中書令房玄齡秘書監魏徵與禮官學士等因隋之禮增以天子上陵朝廟養老大射講武讀時令納皇后皇太子入學太常行陵合朔陳兵大社等

共二十九事

爲

吉禮六十一篇賓禮四篇軍禮二十篇嘉禮四十二

篇凶禮十一篇是爲貞觀禮通監百三十八篇吉禮

之別有大祀中祀小祀而天子親祠者二十有四大

祀天地宗廟五帝中祀日星社稷岳瀆小祀風雨靈

星山川焉賓禮則以待四夷之君長與其使者蕃國

來朝遣使迎勞授館將幣擯享之節焉軍禮之分曰

親征曰遣將曰宣露布曰講武曰狩田曰大射而其

節則有旗鼓刀稍弓矢跪起偃伏之節焉嘉禮之重

者曰加元服曰皇太子冠曰冊后曰太子納妃曰元

會曰臨軒冊太子曰讀時令曰養老更曰鄉飲酒正

齒位焉。凶禮天子禮闕。

魏文志儀注類大唐儀禮

一百卷。長孫無忌房玄齡魏徵李百藥顏師古令狐德棻孔穎達于志寧等撰。八人吉禮六十篇。賓禮四篇。軍禮二十篇。嘉禮四十二篇。凶禮六篇。國恤五篇。摠一百三十篇。貞觀十一年上。當參會要

會要武

德初朝廷草創未遑制作郊禋享宴悉用隋代舊。貞

觀初詔房喬魏徵禮官學士修改舊禮。

王珪與諸儒正定五禮書

子孫男

著吉禮六十一。賓禮四。軍禮十二。

志軍禮作二十篇

嘉禮四十二。凶禮六。國恤五。總一百三十篇。分爲三

百卷。凡增二十九件。餘並依古禮。七年正月二十四日



獻之詔行用焉。

通典貞觀七年頒示

唐紀貞觀十一年正月

甲寅房玄齡等進所修五禮詔所司行用之。

通監十一年

月庚子上內午詔行之

按是書以貞觀十一年正月甲寅上

三月丙午始詔頒行實錄舊史所載可攷通典會要乃以爲七年

高祖入關禮典湮缺竇威多識故事裁定制度帝曰今之叔孫通也房杜爲相時天下新定臺閣制度

憲物容典率二人討裁温大雅與竇威陳叔達參

定禮儀

會要

聖曆元年禮官云貞觀顯慶禮及祠

令竝無王者告朔之事

同上

唐三師儀注

見顧官類

會要貞觀十一年太宗謂魏王泰曰禮部尙書兼魏王師王珪汝之事師如事我也十七年詔令撰三師儀注太子出殿門迎先拜三師拜每門讓三師坐太子乃坐與三師書前皇恐後名皇恐再拜

唐典儀

會要典儀二人隸門下省初用人皆輕

李師攷貞觀門下典儀

貞觀末李義府爲之後常用士人六典爲官有司儀蓋典儀之任掌贊唱之節及設殿庭版位之次

又禮樂志

唐類禮

義疏

魏徵傳始喪亂後典章湮散徵奏引諸儒校集秘書

國家圖籍粲然全整嘗以小戴禮綜彙不倫更作類

禮二十篇數年而成帝美其書錄寘內府

朱文公曰今此書不

復見甚可惜也志魏徵次禮記二十卷亦曰類禮

又陸質

類禮二十卷元行沖類禮義疏五十卷集賢注記

張說奏曰魏孫嚴始改舊本以類相比有同抄書

先儒所非皆不行用徵因炎舊書整比爲注

隋志禮記三十卷魏

錄炎注諫錄戴氏禮并爲注解二帙二十卷上之

詔曰禮經殘缺戴聖爰記舊聞古今所宗條目雜亂

先儒傳授莫能釐正徵有志討論依聖所記更事編

錄以類相從別爲篇第并更注解文義粲然宜付秘書仍繕寫賜皇太子及諸王并賜物千匹

會要貞

觀十四年五月二十一日詔以特進魏徵所撰類禮賜皇太子諸王并藏本于秘府徵以禮經遭秦滅學戴聖編之條流不決乃刪其說以類相從爲五十篇合二十卷上善之賜物千段

志又有禮類聚十卷

開元十四年

八月八日太子賓客元行冲等撰禮記義疏五十卷上之張說駁奏遂不得立學留其書內府行冲意諸儒排已著論自釋

元行冲傳魏光乘請用徵類禮

列于經帝命行冲與諸儒集義作疏將立之學乃引

國子博士范行嘒

注記云文元忠

四門助教施敬本采獲刊

綴爲五十篇上于官右丞相張說建言戴聖所錄向

已千載與經並立不可罷魏孫炎始因舊書摭類相

比有如鈔綴諸儒共非之至徵更加整次乃爲訓注

恐不可用帝然之書留中不出行沖意諸儒間已著

論自辯名曰釋疑曰小戴禮行於漢末馬融爲傳盧

植合二十九篇而爲之解世所不傳康成於竄伏之

中理紛拏之典雖存探究咨謀靡所具鄭志者百有

餘科章句之徒曾不是省王肅因之或多攻詆而鄭

學有孫炎雖扶鄭義條例支分臧否間起增革百篇

魏氏疾群言之冗脞采服說之精簡刊正芟蕞書畢

以聞太宗嘉賞錄賜儲貳

云

改易章句是有五難

集賢法記左贊善大夫魏哲因入內侍讀奏  
魏文正所編禮記甚有條流詔行仲修疏

### 唐顯慶禮 永徽五禮

禮志高宗又詔長孫無忌杜正倫等增之爲一百三

十卷是爲顯慶禮其文雜以式令議者以爲非上元

三年詔復用貞觀禮終高宗世貞觀顯慶二禮兼行

王仲丘傳開元中典章差駁仲丘欲合貞觀顯慶

二禮據有其舉之莫可廢之證上言請祈穀雩祀明

堂二禮皆用詔可

貞觀禮明堂依鄭義祀五帝顯慶  
禮記昊天上帝

乾封二年敕祀

五帝又制兼  
祀昊天上帝

會要永徽二年議者以貞觀禮未備

又詔長孫無忌等十三人緝定勒成一百三十卷二

百九十九篇

舊史五十九

至顯慶三年正月五日

戊子

奏

上之高宗自爲之序頒行中外蕭楚材孔志約以國

恤禮爲豫凶事敬宗義府然之於是刪去至上元三

年三月敕依貞觀爲定儀鳳元年又詔依周禮二年

八月少卿韋萬石奏詔尙書省議自是每有大事參

會古今禮文臨時撰定明堂大饗兼用貞觀顯慶二

禮 舊紀顯慶三年正月戊子無忌等修新禮成詔

頒天下

藝文志永徽五禮一百三十卷長孫無忌

等八人撰二百九十九篇顯慶三年上 賀紀傳高  
宗時豫修五禮

垂拱二年二月新羅匈唐禮武后賜吉凶禮并文辭  
五十篇 路敬淳傳受詔纂輯慶卹儀典武后稱之  
韋叔夏傳武后詔五禮儀物司禮博士有所修葺  
須叔夏等評處然後以聞 王方慶傳練朝章尤精  
三禮門人次爲雜禮荅問

唐開元禮 開元後禮

志 玄宗開元十年以司業韋縉爲禮儀使掌五禮十  
四年通事舍人王岳請冊去禮記舊文而益以今事



附唐制度

詔付集賢院議張說以爲禮記不刊之書

不可改唐貞觀顯慶禮前後不同空加折衷以爲唐

禮通監正

乃詔集賢學士徐堅李銳施敬本撰述歷

年未就蕭嵩代說爲學士奏起居舍人王仲丘撰定

爲一百五十卷書目是爲大唐開元禮通監二十年

禮成上之號曰

開元禮

由是五禮之文始備二十年九月頒

行之中書令嵩賜絹綵

百五十有二通典云一百一十五吉禮其儀五十有五圖丘至

賓禮其儀有六蕃國朝至軍禮其儀二十有三親征

嘉禮其儀五十皇帝加元服凶禮其儀十有八振荒

燕蕃使

至王

公禮制  
通議

新五禮開元二十年修凡一百五十卷太常

博士新五禮儀式

會要開元二十六年六月二十

七日渤海求寫唐禮許之貞元二年六月敕

開元

禮者舉一人同一經例九年五月敕問大義百條試

策三道大中五年十一月太常禮院奏私廟並准開

元禮及曲臺禮爲定制

藝文志開元禮一百五十

卷張說請修貞觀永徽五禮命賈登張烜施敬本李

鏡王傳丘陸善經洪孝昌撰緝蕭嵩總之

人名與禮  
志詳畧不

同蕭嵩開元禮儀鏡一百卷

書目止第一至第五  
卷又有美鏡畧十卷

開元禮京兆義羅十卷類釋二十卷

國史志類  
釋十二卷百問

二卷

書目凡百篇分上下兩卷

韋渠牟貞元新集開元後禮二十

卷

會要貞元十七年七月上

通典本百五十卷纂例成三十五

卷龔尋閱易周

集賢注記開元禮序例三卷吉禮

七十五卷賓禮二卷嘉禮四十卷軍禮十卷凶禮二

十卷

辛秘登開元禮科

開元五年田再思議曰鄭王祖經宗傳各有異同苟

攀采古求遺互爲損益

唐禮儀使

會要開元九年正月韋縉除司業仍知太常禮儀事  
人寶九載十月置禮儀使以左庶子韋述爲之至德

二載閏八月二十九日戶部侍郎崔器乾元元年四月太常少卿王璵並知禮儀事十八日璵同平章事爲禮儀祠祭等使二年九月七日工部侍郎于休烈廣德元年太常卿杜鴻漸永泰元年八月十三日

辛

亥禮部尚書裴士淹並爲使大曆五年三月二十六

日巳丑停禮儀使事歸太常七年正月十九日

辛丑

復置使以太常卿楊綰兼之十四年五月二十日吏

部尚書顏真卿爲使建中元年停自後南郊大禮權

置使畢日停

辛秘再辟禮儀使府

禮志開元十一年親享圓

丘中書令張說衛尉少卿韋縉爲禮儀使 崔縱傳

貞元元年天子郊見爲大禮使樽裁文物儉而不陋  
崇文目儀注類使範一卷王晉記開元以後使者  
所用章奏文牒之式凡十二篇

國史禮志太常禮院領屬太常祥符中增置禮儀院

天聖初

元年四月辛丑

罷爲禮院康定初改判院爲判寺兼

禮儀事其同知院事必先申寺唯大禮則禮儀置使

唐曲臺新禮

續曲臺禮

元和新禮

禮志元和十三年八月太常博士王彥威

會要云禮院檢討官

集開元二十一年以後至元和十三年正月五禮裁  
制敕格爲曲臺新禮三十卷上之又採元和以來至

長慶典禮故事不同者益以王公士民昏祭之禮爲續

曲臺禮三十卷

志會要崇文目卷同

藝文志王彥威元和曲臺

禮三十卷又續曲臺禮三十卷

傳彥威爲檢討官采獲

隋以來下訖唐凡禮沿革皆條次彙分號元和新禮上之

詔拜博士

會要彥威疏曰自開元二十一年已後迄聖

朝垂九十餘年法通沿革禮有廢興每有禮儀大事

命禮官博士約舊損益修撰儀注以合時變臣今所

集錄開元以後至元和十三年奏定儀制不惟與古

禮有異與開元儀禮已自不同矣禮科者名數之總

與儀注相扶而行闕一不可今備禮科之單複欲使開

卷盡在按文易徵其他五禮儀式或舊儀不載而與新制不同者次第編錄曲臺實禮之藏故名曰元和曲臺新禮并目錄成三十卷

大順元年舊章散失禮院用王彥威曲臺禮

禘別廟太后于太廟博士殷

盈孫非之

書目續曲臺禮共目錄成三十卷先約

舊章始從變禮以商權公革新說舊規貫於首篇詳爲注釋嗣續前事 裴瑾爲崇豐二陵集禮藏太常

書閣柳宗元序曰韋孟以詩禮傳楚而郊廟之制卒正於玄成鄭玄以箋注師漢而禪代之儀卒集於小同賈誼以經術起而嘉祚好學盧植以儒學用而謀

為祭法。舊史咸以為榮。

五代會要武德議廟之初。英才間出。如溫、魏、顏、虞、通。今古封蕭、薛、杜、達禮儀制度憲章。必有師法。

唐禮閣新儀

志元和十一年。秘書郎韋公肅錄開元以後禮文。損益為禮閣新儀三十卷。崇文目二十卷。藝文志三十卷。曾鞏序曰。

三十篇。韋公肅撰。記開元以後至元和之變禮。集賢院書二十篇。以目錄考次序。則篇次亦亂。因定著從目錄。而三十篇復完。此書所紀。雖其事已淺。然凡世之記禮者。皆有所本。而一時之得失具焉。昔孔子於告



朔愛其禮之存况著於一代之典籍哉禮者其本在於養人之性其用在於視聽言動之間

中興書目

公肅取開元以後至元和十年沿革損益為此書凡十五門每門又別其條目為三十卷一卷為目錄止二十九卷今卷存而書不全

韋公肅傳元和初憲

宗將耕籍詔公肅草其儀典

唐詳定典制

鄭餘慶傳遷左僕射憲宗患典制不倫謂餘慶淹該

前載詔為詳定使舊史元和十三年餘慶為禮儀詳定使俾參裁訂正

餘慶引韓愈李程為副崔郾陳佩揚嗣復庾敬休為

判官增損儀矩疏詳表

志餘慶書儀二卷

書儀二卷

唐古今禮要

段文昌傳荆州節度使表背抹古今禮要為書數卷

文昌質判所疑

會要六順元年博士殷盈孫議引

古今禮要云周立姜嫄別廟

唐紫宸禮要

志武后十卷

唐禮纂要

志柳暹六卷

崇文目同

唐五禮要記

志韋叔夏三十卷叔夏通禮學歷太常博士少卿春  
官負外郎侍郎每立一議衆諮服之子緇

唐禮樂集

志顏真卿十卷禮儀使所定王方慶古今儀集五十  
卷書目歷古創制儀五卷顏真卿撰

唐五禮精義

志禮類章彤十卷

崇文目同

書目唐太常博

士章彤撰十卷凡二百九十二條每條設問對先授  
古禮參以唐制辨據為詳

唐六十一家儀注

志儀注類六十一家一百部一千四百六十七卷始  
於衛宏漢舊儀次董巴與服志終於裴矩虞世南唐  
書儀若衛宏傅瓊張鏡嚴植之沈約鮑泉明山賓賀  
錫陸運司馬襲張彥常景趙彥深高穎牛弘渣徽摯  
虞崔豹范汪何胤何點崔皓盧諶張大頤姚璿令狐  
德蔡孟利貞裴守真郭山惲之類則五禮儀注之書  
也若董巴之志徐廣車服雜注大駕鹵簿周遷蕭子  
雲雜事則輿服之書也以議名者有何晏等魏晉謚  
議魏氏郊丘高堂陰訪議孔晁明堂郊社蔡謨七廟

千寶荷頤雜議以典名者有范汪祭典王景之要典

王逸齊典丘仲孚皇典盧辨祀典家儀言儀則有徐

爰王儉鮑衡卿謝朓謝允唐瑋裴矩虞幽南之書王

重譜錄則有紀僧真姚察徐令言之書雜記則有童

悟東京雜事典記之書失姓名三十二家不著錄自

寶羅蓋禮要以下至杜有晉書儀四十九家八百九

十三卷貞觀永徽開元禮在焉隋志儀注自漢奮

儀至梁典雜事五十九部二千二十九卷

注自洪武儀等五十九部二千二十九卷

一百八部一百十卷始于正辭錄終于鹵簿圖記

崇文日

六典儀

中興書目六十家一千二百二十三卷 唐舊志儀注八十四部一千一百四十六卷自漢舊儀至皇太子方岳亞獻儀

周通禮

世宗顯德五年十一月庚戌敕竇儼集通禮儼上言禮者太一之紀品物之宗自五帝之後三代以來損益因革咸有憲章越在唐室程軌量昭采物則有開元禮在紀先後明得失則有通典在錄一代之事包五禮之儀比類相從討尋不紊則有會要在二者經國之大典也梁朝之後戎祀朝會多於市廛草定儀

注前代矛盾率多批裨請依唐會要門類上自五帝迄于聖朝悉命編次開元禮通典之書包綜于內名曰大周通禮俾禮院掌之

開寶通禮 義纂

開寶四年五月命中丞劉溫叟中書舍人李昉知制誥盧多遜扈蒙詹事楊昭儉補闕賈黃中司勳郎和峴中舍陳鄂以本朝沿革制度損益開元禮爲之劉溫叟卒又以知制誥張澹參其事其年六月丙子書成上之凡二百

卷目錄二卷號曰開寶通禮藏於書府

長編云四年六月丙子初

命修書六年乃成實錄本紀悉誤

六年四月十八日

辛丑

翰林學士

盧多遜又上新修開寶通禮義纂百卷

長編云通禮二百卷亦四

月辛丑與義纂同上

詔付禮院

是日行通禮

其禮部先有鄉貢開元

禮一科自今宐改稱鄉貢通禮逐年攷試並以新本

出題

天聖元年五月庚午改爲正禮

太祖尤重典禮建隆二年集三禮圖熙寧廢通禮科元祐

六年四月乙未復置

崇文目通禮二百卷義纂一百卷

通

畧開寶四年上謂國家沿革制度多以開元爲據然今有所未備乃命撰通禮至是成六月丙子上之

淳化內外官儀制

又見朝儀

四年六月甲戌尙書省重定內外官參集儀制及比

視品秩以聞詔有旨頒行

祥符定群臣儀制

見朝儀



三年十二月王欽若等上天書儀制五卷四年十月  
戊辰賜學士李宗諤宴上曰翰林清華之地卿父子  
爲之必周知故事宗諤嘗著翰林雜記國朝新制翌  
日上之手詔褒荅

景德閣門儀制 合班圖

景德元年二月壬午翰林學士梁顥知制誥李宗諤  
通事舍人焦守節等言詔詳定閣門儀制令重加刊  
正以類分門共成六卷會要云咸平六年十一月於長春殿面奉聖旨閣門儀式若全依典故恐難遵行且約見行儀式重加增損令各分類例共成六卷其有合增損詳定處並貼黃進呈  
其春秋大宴小宴賞花行幸宴會各按合班圖位

次爲四圖請班下閣門遵守仍先勒三館寫儀制四

本

一進內二送閣門克  
正副一送御史臺

從之初上以閣門儀制多出

於曹史之言殊無規矩乃命顥等詳定至是來上祥

符元年八月丁未中書門下言合班儀門下中書侍

郎相承在左右常侍之下望升在常侍之上合班次

六尙書從之四年六月庚申詔右諫議陳彭年與龍

圖閣待制張知白王曉四方館使白文肇東上閣門使

魏昭亮同詳定閣門儀制五年六月丁未草具進呈

賜食子起居院

實錄云上儀制詔付有司

閏十月庚寅龍圖閣學

士陳彭年等進新定閣門儀制十卷客省事例六卷

四方館儀制一卷帝曰修錄詳備甚有倫理特詔獎諭賜器幣儀制各付有司遵行又以別本留中

九年

正月己巳詔宗正定宗室班圖

景祐三年正月二

十一日丙午四方館使夏元亨請修定閣門儀制

元亨

言祥符後續降詔敕或有重復請復編次

命翰林學士承旨章得象知制

誥李淑同詳定 康定元年四月修成閣門儀制十

二卷四方館條例一卷客省條例七卷 長編寶元

二年二月庚寅詳定閣門客省四方館儀制所上新

編儀制十三卷治平元年閏五月詔閣門一月一次

進班簿 志熙寧二年四月二十三日命宋敏求編

修閣門儀制取唐宣政殿制裁定有司請製大黃麾以立仗帝重其事以爲寧闕而未備及政和上大慶文德紫宸受朝之儀而儀衛益盛書曰合班儀仁宗朝修定國史志宋綬內東門儀制五卷李淑閣門儀制十二卷梁顥閣門儀制六卷

祥符御史臺儀制

書曰六卷祥符中參政張知白等詳定

天聖禮閣新編

天聖五年十月辛未太常博士同知禮院王皞所撰禮閣新編六十卷或作五十卷初天禧中同判太常

禮院陳寬請編次本院所承詔敕其後不能就皞因

取國初至乾興所下詔敕刪去重複凡千八百類以

五禮之目成書上之賜五品服志云大率吏文無著述之體而所載本未

全具有司便於檢用熙寧十年七月廿七日丙子詔太常禮

院續修禮閣新編

天聖內東門儀制

九年六月庚辰翰林學士宋綬西上閣門使曹琮夏

元亨新編皇太后儀制五卷詔名內東門儀制

五代史鄭餘慶采唐士庶吉凶書疏之式雜以當時

家人之禮爲書儀兩卷後唐明宗詔劉嶽刪定與段

顓田斂增損其書而事出鄙俚轉失其本然猶時有禮之遺制後世士庶吉凶皆取獄書爲法而十又失其三四五服制度附于今自馬縞始

中興書目

曲臺奏議集上下兩卷五代唐祕書監陳致雍撰徐錯序五禮儀鏡六卷致雍撰止有嘉軍凶三禮儀疑非全書儀二卷劉岳撰

景祐太常新禮 慶曆祀儀

景祐四年三月庚子同知太常禮院吳育言今禮院所藏禮文故事未經刊修而類例不一請擇儒臣與本院官約古今制度參定爲一代之法從之至慶曆

四年正月辛卯提舉賈昌朝編修官孫祖德李宥張  
方平呂公綽曾公亮王洙孫瑜余靖乃約上之爲太

常新禮四十卷慶曆祀儀六十三卷賜器帛

書目云凡一百

二十篇止慶曆三年志云漏畧短於采獲

寶元二年六月丁卯天章待制賈昌朝直史館宋祁  
同修纂禮書康定元年十月癸巳館閣校勘乃約歐  
陽脩同修禮書

嘉祐朝制要覽

書目十五卷凡四十門嘉祐中宋咸撰載朝廷制作  
有司儀式

六年秘書少監李直纂公侯守宰士庶為通禮三十卷取開寶政和凡通行者分別五禮類為一編朱文公曰祭器經政和改制盡取古器物之存於今者以為法今郊廟所用則其制也而州縣專取聶氏三禮制度非復古制

司馬光書儀八卷 朱熹纂次古今家祭禮十有六篇 許洞撰訓俗書一卷

禮謂之文者尊卑異位親疎異情長幼異序內外異



宜往來異守。動而相交。合而相紀。莫不成文。而中於義。理序其品。則曰人倫。序其義。則曰禮文。朝廷所以網天下之風俗。不可以一日無之也。禮之為國。與

天地並。上天下澤。春雷奮作。先王觀象。爰制禮樂。其本則人心固有。其文則聖人爲之。禮者敬之

經。敬者禮之情。無敬無以行禮。無禮無以節敬。禮

之本出於民情。聖人因而導之。禮之器出於民俗。聖人因而節文之。禮始於天而成於人。張曹爭論

於漢朝。荀摯競爽於晉世。天高地下。萬物散殊。而

禮制行矣。天理之節文。人事之儀則。韓宣子見

閱從之九月二十三日詔禮官續編訖于元祐初

紹聖三年禮部尙書林希言近年缺而不續四月已

已詔復編 政和三年二月中書舍人蔣獻請續修

之見後 宣和三年四月二十六日臣僚請五年一

修從之 紹興元年七月七日章倣上歐陽修編纂

太常因革禮一百卷詔付太常 是年十一月八日

辛丑太常少卿趙子書言政和宣和續編因革禮渡

江皆散失欲自渡江以後修纂成書目爲紹興續編

太常因革禮詔可其後明年太常以總例及吉凶嘉

新四禮凡八十六篇二十七卷或云三十卷始於建炎至

紹興二年編類粗成未以進御九年太常丞梁仲敏言紹聖三年以後修纂尚缺請委官編類詔本寺續修不克成書 淳熙十二年三月庚子始進中興禮書三百卷

熙寧閣門儀制

見上

七年八月癸巳右諫議集賢學士宋敏求上編修閣門儀制十冊

元豐郊廟奉祀禮文

元豐元年正月十二日

戊午

詔判太常寺樞密學士

陳襄同修注黃履集賢校理李清臣王存詳定郊廟

奉祀禮文太常簿楊全著作佐郎何洵直講孫諤爲  
檢討官先是手詔講求郊廟禮文令奉常置局討論

歷代沿革以考得失故命襄等二年正月六日

丙子

命陸佃兼詳定三年正月二十五日又命張璪詳定

閏九月二十五日中書請令檢討官楊全編類上進

以備乙夜之覽副在有司從之五年四月壬戌

十一

成書三十卷目錄一卷崇文院校書楊全編類以進

紹興十九年十一月癸未著作佐郎劉章請命官爲

紹興郊廟奉祀禮文以續元豐之書上嘉納書目每

篇先敘歷代沿革次以議奏以見其施行與否

四朝志天子銳意稽古禮文之事招延群英折衷同  
異元豐有詳定禮文所大觀有議禮局政和有禮制  
局

元祐禮書

五年十一月一日壬戌給事中范祖禹言太祖時聶  
崇義所撰三禮圖書於國子監講堂伏見太常博士  
陳祥道專意禮學所進禮書一百五十卷比崇義圖  
尤爲精密請付太常與崇義圖參用詔兩制看詳以  
聞

政和五禮新儀 御製冠禮

書目二百四十卷。鄭居中等撰二百二十卷。御製序一卷。御筆指揮九卷。御製冠禮十卷。合二百四十卷。又目錄六卷在外。政和三年正月二十九日壬午頒行五禮新儀。先是大觀元年正月朔。詔講求典禮。十三日。尚書省置議禮局。二年十一月十七日。御製冠禮公革十一卷。付議禮局。餘五禮。今視此編次。四年二月九日戊寅。修成大觀新編禮書吉禮二百三十一卷。祭服制度十六卷。祭服圖一冊。詔行之。政和元年三月六日。續編成賓軍等四禮四百九十七卷。詔頒行。於是鄭居中等奏編成政和五禮新儀并序。

例總二百二十卷目錄本卷三年三月癸亥朔御製序曰循古之意而勿泥於古適今之宜而勿牽於今議禮局請刻石太常寺七月己亥詔比裒集三代鼎彝簠簋盤匱爵豆之類五百餘器載於圖詔有司改造祭器置禮制局討論古今沿革以成一代之典六年閏正月太府丞王鼎言新儀藏在有司民未通曉望依新樂頒行令州縣各禮生肄業使之推行民間并以新儀從事二十五日從之范寅賓新儀撮要十五卷紹熙二年八月黃灝請掇取冠昏喪祭儀摹刻放郡縣奏可

元豐六年六月四日詔集議大典禮令秘書省長貳  
與

政和續因革禮

四年葛勝仲為太常少卿自建隆至治平初所行典禮嘗為書百篇勝仲續其書自治平迄政和四年部居條目皆視歐陽脩之舊總例凡五十三卷吉禮九十四卷賓禮十三卷軍禮四卷嘉禮三十三卷凶禮七十七卷廟議二十七卷合三百卷目錄三卷與前書併藏奉常又編纂太常祠祀儀制格目每歲大祠凡九十有六中祠凡二十有九小祠凡一十有四每



祠為一卷。歲再祀。或四時祀。或月祀。若祭名異而祀儀相類。則合一卷。凡四十八卷。標錄二卷。續因革禮序曰。政和三年二月。中書舍人蔣猷建言。詔命撰次。至二年終。四年十月。詔編至四月終。明年六月。書成。

國史志開寶已後。三輯禮書。推其要歸。嘉祐尤悉。然繁簡失中。訛誤不備。豈有所拘而不得騁乎。

紹興太常初定儀注

書三卷。紹興中。太常所定。

明堂

元年九月十八

日。行禮。十年再定儀注。

郊祀大禮

十三年十月十三

儀十一月八日郊

大禮前朝獻景靈宮

七年八

月十七日定明堂朝獻之儀十三年十月四日定迎

奉神御共謂之儀十二日定郊祀朝獻之儀朝饗太

廟十三年十月十二日定郊祀朝饗之儀四孟朝獻

十三年七月十八日己未定儀親饗太廟十二年十

二月十四日定儀藉田十六年正月五日定儀二十

二日行禮親祠高禩二年二月二十一日定宮中飲

福受昨之儀十七年二月三日定親祠上皇太后冊

寶十三年十一月十一日定儀十二月十二日壬午行

禮中宮受冊寶十三年閏四月十三日定儀十七日

行禮 正旦大朝會議注十四年十二月二十三日定

儀注五年正旦行之 行宮門肆赦儀注十三年十月

十三日定 天申節紫宸殿上壽儀注十三年五月七

日定 二事書目中不載

紹興元年始作蒼壁黃琮十年明堂始備大案飲福  
用金爵十二年製常行淺衛十三年始復朔日視朝  
之禮又行孟饗備五輅及建金雞肆赦祠祭如用牲  
十四年復教坊建宗學作渾天儀十五年初籍千畝  
及行大朝會禮作新祭器十六年始備八寶鐃景鐘  
建御書院太廟柘室及賜講畢御筵十七年始命太

常行園陵御史監視及賜新士聞喜宴十八年始  
繪功臣像于景靈宮庭之兩壁十九年始復增  
祭及諸陵薦新二十七年始復太廟功臣七祀之祭  
及諸大祀蓋自息兵後將二十年而禮樂始備

紹興禮器 射殿視郊廟禮器

紹興四年四月六日禮官言明堂大禮自天地至後  
祀諸神七百七十一位當用簋豆簠簋尊彝彝鼎之  
屬九千二百五十六廟用五百九十六齋用銅玉者權  
以陶木代之禮說云新三辨二器五動五五月二十五  
日甲戌太常看詳曹監丞王普所言今祭器做三禮圖

非是請改作禮記普上言陶匱用於郊丘玉爵用

於明堂又言十二尊之數每祭特用其四一實醴齊

一實明水以待朝踐一實盞齊一實明水以待再獻

餘以實五齊三酒是為八尊設而不酌又言按儀禮

圖爵如爵形負盞於背不可以反站簠簋如桶其上

為龜不可以卻蓋而播餘蓋出於意度而未嘗親見

古器也自劉敞著先秦古器記歐陽脩著集古錄李

公麟著古器圖呂大臨著攷古圖親得三代之器政

和漸成禮器制度皆出於此度江散失無存歿並定

古器制度為定時政新成禮器編存五件請九年

八月十五日詔禮官討論祭服禮器十二年五月十九日有司請增修太廟祭器十三年二月二十七日敕宣和博古圖俾禮官釐正改造大禮祭器悉從古制十四年七月丁巳命有司改作祭器給事中段拂戶部侍郎王鈇董其事三年乃成十五年十月二十七日王晉錫言大禮饗廟禮器已對御府博古圖畫樣製其尊罍等五百九十六件合討論製造詔拂等討論十一月癸亥宰執奏新製祀享禮器事十二月十七日上諭大臣將來禮器成宜以制度放示州縣俾之遵用庶革舛誤十六年三月二十六日禮官請如

政和六年郊廟禮器之數於天地宗廟每神位用籩豆各二十有六簠簋各八八月庚戌宰臣奏禮器將畢上曰鍾磬音律皆缺惟黃鍾大呂未應律宐詳加講究冬十月郊廟新禮器成戊戌二日上觀于射殿宰執侍從臺諫宗室禮官皆與觀撞景鍾奏新樂用皇祐故事也上曰祀帝享廟禮典一新於是段拂已下皆遷秩十一月丙子合祀天地于南郊備祭器設八寶如政和之儀由是禮器復新 乾道九年六月修飾太廟銅器二千一百七十二

紹興十六年三月辛卯用政和制賜秦檜家廟祭器

其後韋淵吳益楊存中吳璘虞允文皆賜 淳熙七年十月上問家廟制度且曰漢唐而下未有賜祭器者令禮官討論八年十月止令有司精製爵勺各一賜韓世忠家餘令禮官定禮式畫圖成冊賜之聽自造並用竹木從崔端詩議也

紹興皇宋大典

六年五月辛卯

西二十日

成忠郎李沆以高祖國子博士

文易新編皇宋大典三卷來上詔送秘府沆遷秩其書以皇朝所定班序圖次禮容儀式衮冕車輅旗章冊命之制與夫民兵吏祿祠祭戶口之數凡四十門



三海卷之六  
三十一  
釐爲三卷

淳熙中興禮書 嘉定續中興禮書

太常少卿余端禮請編類書久不上淳熙七年七月十一日禮部郎范仲藝言太祖立經陳紀爲萬世規首命大臣約唐禮書著爲通禮列聖相承有禮閣新編太常新禮因革禮五禮分門各以類舉自時厥後繼纂續編中興以來久缺不錄望命太常編次大臣兼領其事以著一代彌文考百世損益詔趣成書八年三月七日太常簿陳賈奏自紹興初載首行明堂至今五十餘年大典禮制作總爲目者百一十四分

門第卷不知其幾太常編類懼難辨集詔禮部長貳  
同刪修初紹興間太常少卿趙子書爲續因革禮三  
十卷其後禮官踵爲之書成未得進御十二年三月  
二十七日權禮部侍郎史彌大言太上再造講明典  
禮陛下紹統如內禪慶壽之類亘古所無宜宣取以  
進略經乙覽付之有司俾常遵守不必備儀衛施爵  
賞詔禮部太常寺繳進四月十七日上之凡三百卷  
或云三月庚子進常少王信  
序書目云成於十一年賜名中興禮書總六百  
八十門嘉泰二年八月十七日禮部尙書費士寅等  
言禮寺以孝宗一朝典禮續纂中興禮書八十卷詔

令繳進嘉定十一年三月丙申禮部員外郎李琪奏  
請令太常將慶元元年以後典禮編纂成書 淳熙  
書目儀注類六十家定著一千二百二十三卷始於  
政和五禮新儀終於儀物志三卷續目八家九部四  
十三卷

祥符五年六月己未修國史院言所修禮志舊日曆  
止存事端令禮院取索國初以來禮文損益沿革制  
作之事及論議詳定文字尙慮有遺致大典未備孫  
真判禮院禮學精博望委檢討從之

嘉定通禮

六年秘書少監李璠纂公侯守宰士庶爲通禮三十卷取開寶政和凡通行者分別五禮類爲一編

朱文公曰祭器經政和改制盡取古器物之存於今者以爲法今郊廟所用則其制也而州縣專取聶氏三禮制度非復古制

司馬光書儀八卷 朱熹纂次古今家祭禮十有六篇 許洞撰訓俗書一卷

禮謂之文者尊卑異位親疎異情長幼異序內外異

三才圖會卷之二十一 禮 三十一

空往來異守動而相交合而相紀莫不成文而中於義理序其品則曰人倫序其義則曰禮文朝廷所以綱天下之風俗不可以一日無之也 禮之為國與

天地並 上天下澤春雷奮作先王觀象爰制禮樂

其本則人心固有其文則聖人為之 禮者敬之

經敬者禮之情無敬無以行禮無禮無以節敬 禮

之本出於民情聖人因而導之禮之器出於民俗聖

人因而節文之 禮始於天而成於人 張曹爭論

於漢朝荀摯競爽於晉世 天高地下萬物散殊而

禮制行矣 天理之節文人事之儀則 韓宣子見

周禮盡在魯知周所以王仲孫湫見魯秉周禮知魯未可動爲天下國家者不可一日廢禮如此莊公有非禮之舉其臣諫以必書周王有非禮之宴戒其臣以勿籍先王之時凡禮文之事無不載之簡冊也士會不知殺蒸歸而講聚三代之典禮以修晉法孟僖子不能相儀荅郊勞歸乃講學能禮者必從之君子耻不知禮如此 朝廷有大疑不必聚諸儒之訟國家有盛容不必蒞野外之儀 禮上下之紀天地之經緯也其事朝聘冠昏喪祭射饗其用郊廟朝廷閭門學校鄉黨田役其物圭璧冠珮車輿贊幣俎豆弓

矢其容齋莊恭肅雍和剛毅忻懽慘戚其人君臣父子兄弟夫婦朋友長幼其効嚴上下定尊卑決嫌疑別同異事天地寧鬼神

玉海卷第六十九



玉海卷第七十

浚儀王應麟伯厚甫

禮儀

朝儀

太微中居列宿環拱聖王正表著之位辨廉陞之  
等法乎天也

堯外朝

列子仲尼篇堯治天下五十年不知天下治歟不治  
歟問外朝外朝不知

舜朝會方岳



舜典輯五瑞既月乃日覲四岳羣牧班瑞于羣后歲  
二月東廵狩肆覲東后五載一巡狩羣后四朝注各  
會朝于方岳之下疏凡四處別朝王制注虞夏之  
制諸侯歲朝疏案尚書鄭注云巡守之年諸侯朝於  
方岳之下其間四年四方諸侯分來朝於京師歲徧  
鄭志夏殷六年一巡守諸侯歲朝唯指唐虞異義云  
公羊說諸侯比年一小聘三年一大聘五年一朝天  
子左氏說十二年之間八聘四朝再會一盟許慎案  
公羊說虞夏制左氏說周制鄭駁之云三年聘五年  
期文襄之霸制文十五年左傳云諸侯五年再相朝

以修王命古之制也此爲夏殷之禮 **通典**唐虞夏

氏之時四方諸侯歲一朝殷制五年一朝 **左傳**哀

七年子服景伯曰禹合諸侯於塗山執玉帛者萬國

注在壽周穆有塗山之會 注會諸侯 **唐志**塗山在

春東北 越傳曰禹到越望苗山會諸 侯爵有德封有功更名會稽山

周三朝 四朝 朝儀 朝位 治朝 外

朝 燕朝 內朝 羣臣班 射朝

天官大宰王賑治朝則贊聽治注治朝在路門外羣

臣治事之朝王視則助王平斷疏王有三朝外朝是

斷疑獄之朝路寢庭朝圖宗人嘉事二者事簡非正

朝故知治朝是路門外司士所掌者也

內宰疏王立朝者卽三朝

宰夫掌治朝之禮以正王及三公六卿大夫羣吏之位掌其禁令注治朝在路門之外其位司士掌焉宰夫察其不如儀疏治朝在路門外者燕朝在路寢庭外朝在庫門外其事希簡治朝是常治事之朝

地官師氏居虎門之左司王朝注路寢門也王日視朝於路寢門外疏其路寢庭朝及庫門外之朝非常朝之處司士所掌路門外是常朝日所朝之所

稿

人掌共外內朝冗食者之食注外朝司寇斷獄弊訟之朝也今司徒府中有百官朝會之殿云天子與丞

相舊決大事焉。是外朝之存者與。內朝路門外之朝也。疏。天子三朝。路寢庭朝是圖宗人嘉事之朝。太僕掌之。又有路門外朝是常朝之處。司士掌之。又有外朝在臯門內庫門外。三槐九棘之朝是斷獄弊訟之朝。朝士掌之。今言外內朝。明據三槐與路門外二者。以其路寢庭非常朝之處也。今司徒府已下。引漢法說之。

**春官司服**。眡朝則皮弁服。注。視內外朝之事。

王受諸侯朝。覲於廟則衮冕。

**巾車**象路。注。以日視

朝。疏。謂於路門外常朝之處乘之。至於三朝皆乘之。

**夏官司士**掌羣臣之版。

故書版爲班。

以治其政令。正朝

儀之位辨其貴賤之等王南鄉三公北面東上孤東  
面北上卿大夫西面北上王族故士虎士在路門之  
右南面東上大僕大右大僕從者在路門之左南面  
西上注此王日視朝事於路門外之位疏對彼大僕  
職路寢庭有燕朝朝士職庫門外有外朝而言也但  
彼外朝斷獄辨訟并三詢之朝有諸侯在焉諸侯既  
在西方右九棘之下孤避之在東方羣臣之位西面  
也其餘王公卿大夫等仍與此位同魏志王肅曰周  
官則備矣五日

一朝公卿大夫並進而司士辨其位  
漢初依擬前代公卿皆親以事升朝

司士擯孤卿特

揖大夫以其等旅揖士旁三揖王還揖門左揖門右

大僕前注前正王視朝之位王入內朝皆退注王入  
入路門也王入路門內朝朝者皆退反其官府治處  
也王之外朝則朝士掌焉玉藻曰朝服以日視朝於  
內朝云云謂諸侯疏欲見天子諸侯皆有三朝之意  
玉藻諸侯禮云朝于內朝者謂路門外朝爲內朝對  
阜門內應門外朝爲外朝通路寢庭朝爲三朝 天  
僕王軼朝則前正位而退入亦如之注王既立退居  
路門左待朝畢建路鼓于大寢之門外注大寢路寢  
也其門外則內朝之中如今宮殿端門下矣疏文王  
世子以路門外爲外朝者對路寢庭朝爲外朝其實

彼外朝亦內朝耳既以三槐九棘朝爲外朝此二者皆內朝也王昶燕朝則正位掌摺相注燕朝朝於路寢之庭玉圖宗人之嘉事則燕朝疏以其路寢安燕之處謂之燕朝與賓客饗食在廟燕在寢也但與賓客及臣下燕時亦有朝因燕而朝賓臣燕禮已有成文圖宗人嘉事者朝不見故鄭特見之宗人冠昏嘉禮之等皆曰嘉事

秋官大司寇注嘉石文石也植

之外朝門左小司寇掌外朝之政以致萬民而詢

焉一曰詢國危二詢國遷三詢立君注外朝朝在治門之外者也其位王南鄉三公及州長百姓北面羣

臣西面羣吏東而小司寇擯以叙進而問焉以衆輔志而弊謀疏小司寇與朝士同掌之外朝在雉門之外則亦在庫門之外也 朝士掌建邦外朝之灋有九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長衆庶在其後左嘉石平罷民焉右肺石達窮民焉注鄭司農云王有五門外朝在路門外內朝在路門內玄謂外朝在庫門之外臯門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝疏天子



外朝一者即朝士所掌者是也內朝二者司士所掌  
正朝大僕所掌路寢朝是也諸侯內朝二者玉藻云  
朝于內朝朝羣臣辨色始入君日出而視朝退適路  
寢使人視大夫大夫退然後適小寢彼亦路門外內  
一者爲內朝閔二年云閭于兩社兩社在大門內中  
門外爲外朝燕朝者大僕云掌燕朝之服位是也  
大行人上公之禮其朝位賓主之間九十步立當車  
軹擯者五人諸侯之禮朝位賓主之間七十步立當  
前疾擯者四人諸伯如諸侯之禮諸子朝位賓主之  
間五十步立當車衡擯者三人諸男如諸子之禮注

朝位謂大門外賓下車及王車出迎所立處也王始立大門內交擯三辭乃乘車而迎之齊僕爲之節上公立當軹侯伯立當疾子男立當衡王立當軫與凡大國之孤朝位當車前不交擯凡諸侯之卿其禮各下其君二等注朝位則上公七十步侯伯五十步子男三十步與疏聘禮在大門外去門有立位陳介之所朝在路門外掌訝至于朝詔其位疏外朝在大

門外

詩絲乃立臯門應門正義諸侯三朝臯門之

內雖有外朝議大疑詢衆庶乃往不常在焉其君日出所視與羣臣決事之朝在應門之內曲禮天子

當依而立諸侯北南而見天子曰覲

疏是秋於廟受

四百

改

覲禮也

天子當宁而立諸公東面諸侯西面曰朝

此爲春夏受朝時也爾雅門屏之間謂之宁謂天子受朝於路門外之朝於門外而宁立以待諸侯之至爾雅正門謂之應門諸侯內屏在路門之內天子外屏在路門之外而近應門注云朝者位於內朝而序進即路門外朝也對皐門內槐棘之外朝故稱內若對路寢庭朝又爲外故文王世子云朝於外朝則以宮是也凡天子三朝其一在路門內謂之燕朝大僕掌之云王眡燕朝文王世子云公族朝於內朝親之

也此王與宗人圖其嘉事及王退俟大夫之朝也其  
二路門外之朝謂之治朝司士掌之云正朝儀之位  
此是每日視朝之位其王與諸侯賓射亦與治朝同  
故射人云三公北面云其三臯門之內庫門之外  
謂之外朝朝士掌之此是詢衆庶之朝也燕禮云卿  
西面大夫北面士門西東面大射亦然周禮天子有  
射朝燕禮諸侯有燕朝則天子諸侯皆三朝也

王世子庶子之正於公族者云其朝于公內朝則

東面北上臣有貴者以齒注內朝路寢庭其在外朝則以官

司士爲之外朝路寢門之外庭司士亦司馬之屬也掌羣臣之班正朝儀之位其在宗

廟之中則如外朝之位宗人授事以爵以官公族朝于內朝內親也外朝以官體異姓也疏其朝位天子之朝三公北面東上孤東面北上卿大夫西面北上其士門西東面北上若諸侯之朝案大射卿西面北上大夫北面東上士門西東面北上與天子不同

玉藻諸侯朝服以日視朝於內朝朝辨色始入君日出而視之退適路寢聽政使人視大夫大夫退然後適小寢釋服也燕寢也注此內朝路寢門外之正朝也天

子諸侯皆三朝入羣臣入應門朱氏曰王日視朝於路朝而退聽政於燕

朝疏天子三朝大僕燕朝一也司士路門外二也朝

士外朝三也諸侯三朝文王世子內朝路寢朝一也  
世子又云外朝路寢門外二也諸侯三門是中門外  
大門內又有外朝是三朝也

月令疏天子有三朝

一燕朝在路寢二治朝路寢門外應門之內二外朝  
在庫門之外臯門之內迎春而反賞公卿大夫於路  
寢門外正朝耕籍而反勞羣臣在於路寢爵賞公事  
與衆共之故在正朝燕勞私禮主於歡心故在路寢  
三禮義宗曰每朝列位所向不同其三公之位常  
北面不變者以三公內臣位尊故屈之其餘諸侯孤  
卿大夫皆以地道尊右故尊者東面卑者西面於外

朝諸侯東面於內孤卿東面

時無諸侯故也

惟詢

事之朝非常朝之限故不與三朝同

一云容有諸侯之位故孤卿在

東若時會殿同方嶽之下爲宮壇見諸侯之法其位

皆如明堂之位天子宫方一千二百步三分二爲路

寢之前一爲路寢之後自臯門至路門凡五門相去

之數未聞路寢之前至臯門凡五門之間合八百步

爲三朝皆方百步諸侯三門臯門至路寢相去六百

步自路寢以前爲三朝各一百步又曰周禮天子諸

侯皆有三朝一曰外朝二曰中朝三曰內朝其中朝

之名或內或外若據外朝而言謂之內朝故鄭注又

王世子諸侯外朝一內朝二是也三朝之最外爲外朝者是決罪聽訟之朝也中朝者人君旦夕視政見卿大夫之朝也所謂辨色而入者在此朝也內朝者路寢也人君視政退而居於此待諸侯之復逆也視卿大夫退然後適燕寢所謂大夫夙退無使君勞在此朝也諸侯三朝路寢爲內朝中朝在路門之外外朝在應門之外天子皋門內有外朝面有三槐左右各有九棘近庫門則有二府九寺庫門之內則有宗廟雘門之內有兩觀觀外亦有詢事之朝在宗廟社稷之間雘門外有百官宿衛省也應門之內有中朝



中朝東有九卿室是九卿治事之處故考工記外有  
九室九卿治之朝畢則入而治事夕則歸於庫門外  
外朝之法朝有疑獄王集而聽之通典周制天子  
有四朝常言三朝者以詢事之朝非常朝一曰外朝

在臯門內決罪聽訟之朝也秋官朝士掌之二曰中  
朝在路門外夏官司士正其位三曰內朝亦謂路寢  
之朝亦謂之燕朝太僕掌之四曰詢事之朝在雉門  
外小司寇掌其政左傳曹劌曰會以訓上下之則  
制財用之節朝以王班爵之義帥長幼之序

語天子及諸侯合民事於外朝合神事於內朝在門

自卿以下合官職於外朝

君之公朝

合家事於內朝

家

卿大夫亦二朝

**禮**

夏官射人

掌國之三公孤卿大

夫之位三公北面孤東面卿大夫西面其摯三公執

璧孤執皮帛卿執羔大夫鴈注位將射始入見君之

位燕禮曰公升卽位于席西鄉小臣納卿大夫卿大

夫皆入門右北面東上士立於西方東面北上大射

亦云則凡朝燕及射臣見君之禮同諸侯在朝則皆

北面詔相其灋注諸侯來朝而未歸王與之射於朝

者皆北面從三公位疏引燕禮者欲見天子諸侯朝

燕射三者位同之義儀禮內諸侯有燕朝及射朝不

見正朝周禮內天子射朝與正朝不見燕朝諸侯射朝與燕朝位同則天子燕朝亦與射朝位同諸侯正朝亦與射朝位同是天子諸侯三朝各自同大射在學故有著冕在展之事此賓射在路門之外朝與彼異儀禮聘禮者與卿圖事注謀事者必因朝其位君南面卿西南大夫北面士東面疏謀事必因朝者欲取詢衆之意諸侯三朝燕朝燕禮是也又射朝大射是也路朝外正朝不見疑當與二朝面位同故以燕禮大射儀約之知正朝面位然也若天子三朝射人見射朝司士見正朝不見燕朝以諸侯正朝與

燕朝同明天子燕朝亦與正朝同也 管人布

寢門外注寢門外朝也 疏謂路門外即正朝之諸侯三門臯應路路門

常朝位注引朝貢禮曰純四曰制丈八尺疏引周禮趙商問夕幣于寢門外

告具于君君朝服出門左南鄉注寢門外朝也 告

入路門而告 疏此路門外正朝之處也 又賓拜饗餼于朝注拜

於大門外 疏大門外諸侯之外朝也朱氏曰門外侯路寢門外則有正朝大門外則有屏諸侯有朝諸

有外朝其燕朝在寢燕禮是也 覲禮侯氏入門

右告聽事出自屏南適門西注天子外屏 釋宮曰屏謂之植注小墻

當門中 書康王之誥太保率西方諸侯入應門左畢公

率東方諸侯入應門右皆布乘黃朱賓稱奉圭兼幣

周之朝儀畧見於此  
此朝會分班儀也

太保暨芮伯咸進相揖皆再拜

稽首

此朝會合班儀也

左傳叔向日朝有著定會有表會

朝之言必聞于表著之位注著定朝內列位常處謂

之表著

野會設表以爲位周語大天士日恪位著以敬其官注云中廷之左右日位門屏之間

曰著

司常注事名號者徽識所以題別衆臣植之於位朝各就焉

明堂位正義案

覲禮諸侯受次于廟門外是覲在廟二公中階之前

此以下明朝位之法諸侯在諸國之上特舉位言之

易氏曰燕朝在路門之內治朝在路門之外又外

而應門又外而雉門則有中門之禁焉以至尊所居

儀衛嚴肅幾其出入不可踰越惟庫門在雉門之外

而外朝又在庫門之外不特諸侯羣臣之感在雖州  
長衆庶與窮民罷民之類皆得至於左右前後之列  
故小司寇掌其政朝士掌建其灋言外朝特詳位定  
然後爲之禁慢朝錯立族談者司士所正者羣臣之  
位朝畢則退大僕掌正王位則無往不從故云入亦  
知之小司寇主於詢天下之政其位止於公卿大夫  
庶民而已朝士專掌外朝之灋則諸侯以至羣士羣  
吏咸在焉欲肅其儀必建其灋按先鄭之釋朝士  
外朝在路門外而康成援郊特牲小宗伯之文證之  
誠足以破後學之惑至小司寇之外朝則曰在雉門

外何歟賈公彥爲之說曰在雉門外則亦在庫門外要當以是說爲正云

周覲禮 殷朝法 周明堂朝位

儀禮覲禮第十覲禮至于郊王使人皮弁用璧勞侯氏亦皮弁迎于帷門之外遂升受玉侯氏用束帛乘馬擯使者天子賜舍曰伯父女順命于王所賜伯父舍天子使大夫戒曰某日伯父帥乃初事侯氏再拜稽首諸侯前朝皆受舍于朝同姓西而北上異姓東面北上侯氏釋冕釋幣于禰乘墨車載龍旂弧韜乃朝以瑞玉有纁天子設斧依於戶牖之間左右凡天

子衮冕負斧依嗇夫 命告于天子 司空之屬 天子

曰伯父實來予一人嘉之伯父其入予一人將受之  
侯氏入門右奠圭取圭升致命王受之升成拜乃出  
四享皆束帛加璧庭實惟國所有事畢天子辭於侯  
氏曰伯父歸寧乃邦侯氏再拜稽首升成拜降出天  
子賜以車服迎于外門外再拜路先設西上路下四  
亞之 乘馬也 重賜無數在車南諸公奉篋服加命書于

上太史是右侯氏升西面立太史述命加書于服上

侯氏受饗禮乃歸諸侯覲于天子爲宮方三百步四

門壇十有二尋深四尺加方明于其上 方明者上下四方神明之



象司儀將合諸侯則令為壇三成宮方明者木也

旁一門詔王儀南鄉見諸侯注引覲禮

方四尺設六色青赤白黑玄黃設六玉上圭下璧南方璋西方琥北方璜東方圭天子乘龍載大旂象日

月升龍出拜日於東門之外反祀方明禮日於南門

外禮月與四瀆於北門外禮山川丘陵於西門外記

凡俟于東箱偏駕不入玉門奠圭于纁上郊特牲

覲禮天子不下堂而見諸侯詩正義王唯覲禮不下堂而見諸侯其朝宗當

迎之故秋官說車明堂位周公朝諸侯于明堂之

位迎之法賓主步數天子負斧依南鄉而立為斧文屏風於戶牖間在明堂中央太室

三公中階之前北面東上諸侯之位阼階之東西面

北上諸伯之國西階之西東面北上諸子之國門東

北面東上諸男之國門西北面東上

注朝位之上上近主位尊也正

義三公則東上侯尊於伯故在東子尊於男亦在東九夷之國東門之外西面

北上八蠻之國南門之外北面東上六戎之國西門

之外東面南上五狄之國北門之外南面東上九采

之國應門之外北面東上

注九采九州之牧典貢職者正門謂之應門二伯帥

諸侯而人九牧居外而糾察之正義王制云千里之

外曰采皇氏云在應門外之西四塞世告至

伯既領之入應門夷鎮蕃二服在四方爲蔽塞蕃國世

牧居應門外糾察諸見一此周公明堂之位也明堂者明諸侯之尊卑也司

馬云設儀辨位以等邦國朝於此所以正儀辨等

陸氏曰九采之國所謂要服兼服是也周書明堂

篇第五十五  
與禮記同

玉納諸侯之於天子比年一小聘三

年一大聘五年一朝注比年每歲也小聘使大夫大

聘使卿朝則君自行然此大聘與朝晉文霸時所制

也虞夏之制諸侯歲朝周之制侯甸男采衛要服六

者各以其服數來朝曲禮注諸侯春見曰朝受摯

於朝受享於廟生氣也秋見曰覲一受之於廟殺氣也朝

者位於內朝而序進覲者位於廟門外而序入王南

面立於依寧而受焉夏宗依春冬遇依秋覲禮今存

朝宗遇禮今亡左傳晉侯出入三覲康有鄆宮之

朝注朝諸侯叔向日明王之制使諸侯歲聘以志業間朝

以講禮再朝而會以示威再會而盟以顯昭明

注凡八聘

四朝再會王一巡守盟于方嶽之下

又曰會朝禮之經也禮政之興也

遠啓疆曰朝聘有圭享覲有璋小有述職大有巡功設机而不倚爵盈而不飲宴有好貨殮有陪鼎入有郊勞出有贈賄禮之至也公羊傳諸侯時朝乎天

子天子之郊諸侯皆有朝宿之邑焉注時朝者順四

時而朝也五年一朝

詩韓奕韓侯之覲以其介圭

入覲于王王錫韓侯淑旂綏章簟第錯衡玄袞赤舄

鉤膺鏤錫儻革金厄

采菽君子來朝何錫予之路

車乘馬玄袞及黼言觀其旂其旂淠淠鸞聲噦噦車

王 三 卷 十  
五  
攻四牡奕奕赤芾金舄會同有繹序云宣王復會諸  
侯于東都 清廟序周公成洛邑朝諸侯率以祀文

王 周官六年五服一朝又六年王乃時循考制度

于四岳諸侯各朝于方岳大明黜陟 秋官大行人

掌大賓之禮大客之儀以親諸侯 大賓要服以內諸

侯太客謂其孤卿

春朝諸侯而圖天下之事秋覲以

比邦國之功夏宗以陳天下之謨冬遇以協諸侯之

慮時會以發四方之禁設同以施天下之政 注此六

事以王見諸侯爲文

時聘以結諸侯之好殷覲以除

邦國之慝

此二事亦以王見諸侯之臣使來者爲文

間問以論諸侯之志歸服以交諸侯之福賀慶以贊諸侯之喜致禮以補諸侯之裁

此四者王使臣於諸

侯之禮

以九儀辨諸侯之命等諸臣之爵上公諸侯

伯子男之禮大國之孤諸侯之卿及其大夫士侯服  
歲壹見甸服二歲壹見男服三歲壹見采服四歲壹  
見衛服五歲壹見要服六歲壹見九州之外謂之蕃  
國世壹見各以其所貴寶爲華 天官掌會掌王會  
同之舍設榼桓再重

大朝觀會同

大宰贊玉幣玉獻玉几玉爵

注大會同或於

春商或於秋觀

王朝諸侯立

小宰以灋掌戒具宰

依前南面其禮之於阼階上

康熙二十六年刊

玉海卷七十一

七

四百二十九

夫掌牢禮殮牽陳數

注凡此禮陳數存可見者有行人掌客及聘禮公食大夫

掌次張大次小次幕人共帷幕幄帘綬大宗伯爲上

相

出接賓曰擯人詔禮曰相

小宗伯肆儀爲位肆師佐擯共設匪

舊之禮司几筵王位設黼依之前南鄉設蒲筵紛純

加纁席畫純加次席黼純左右玉几典瑞公侯伯圭

纁三采三就子男二采再就以朝覲宗遇會同于王

大史以書協禮事

小史佐之

司當置旌門射人諸侯

在朝則皆北面詔相其灋作大夫介

注引覲禮

司士

凡會同作士從節服氏掌朝覲袞冕六人維太常齊

僕馭金路以賓校人毛馬而頒之車僕共革車大司

寇前王小行人協九儀賓客之禮司儀掌九儀擯相  
之禮爲壇三成宮旁一門詔王儀南鄉見諸侯象胥  
受國客幣掌客具饗禮

柳宗元曰古者旦見曰朝暮見曰夕詩莫肯朝夕傳  
朝而不夕禮記曰入而夕朝不廢朝暮不廢夕晉叔  
向夕楚右尹子革夕齊子我夕趙文子礪其椽張老  
夕知襄子爲室士苗夕皆暮見也漢儀夕則兩郎向  
瑣闥拜謂之夕郎亦出是名也

明堂之朝位詳於諸侯而僅載四夷者聖人每詳內  
而略外也王會篇之朝位詳於四夷而略於諸侯者



遠人自面內而嚮化也 車輅前陳旗物森列金石  
在虞琛贄充庭瑛旒袞舄天臨乎其下 王會見後

朝事儀

記玉藻疏朝事儀云冕而執鎮圭帥諸侯朝日於東  
郊 王制疏覲禮云天子乘龍載大旂拜日於東門  
之外反祀方明鄭注引朝事儀曰天子冕而執鎮圭  
尺有二寸云帥諸侯而朝日於東郊所以教尊尊也  
退而朝諸侯 周禮注朝士儀曰奉國地所出物而  
獻之明臣職也

孔子聘辭

左傳襄二十七年六月丁未朔宋人享趙文子叔向  
爲介司馬置折俎禮也仲尼使舉是禮也以爲多文  
辭杜氏注因享宴之會展賓主之辭服虔云以其多  
文辭故特舉而用之後世謂之孔氏聘辭以孔氏有  
其辭故傳不復載也正義所言孔氏聘辭不知事何  
所出實享禮而謂之聘舉舊辭而目曰孔氏事亦不  
必然也 昭四年左師獻公合諸侯之禮六子產獻  
伯子男會公之禮六 昭九年孟僖子如齊殷聘禮  
也 禮大行人凡諸侯之邦交歲相問殷相聘世相朝  
聘禮有上介衆介至所聘之國誓于其境則史

讀書司馬執策賈人  
拭玉有司展幣

經書公如京師者一朝于王所者二卿大夫如京師者五書天王來聘者七錫命者三君臣上下之分易矣 聘義曰天子制諸侯比年小聘三年大聘 王制曰諸侯之於天子比年一小聘三年一大聘五年一朝注小聘使大夫大聘使卿朝則君自行然此大聘與朝晉文霸時所制也虞夏之制諸侯歲朝周制各以服數來朝

漢長樂宮朝儀

叔孫通傳

見禮制類

漢未央宮大朝

**史記**高帝九年未央宮成大朝諸侯羣臣置酒前殿  
奉玉卮爲太上皇壽

漢明堂朝諸侯 明堂上壽 明堂上計

**武紀**元封元年夏四月癸卯上還登封泰山降坐朝

堂此古明堂二年秋作明堂於泰山下卽奉高縣五年春三月

還至泰山增封甲子祀高祖于明堂以配上帝因朝

諸侯王列侯受郡國計天漢三年三月行幸泰山修

封祀明堂因受計大始四年三月壬午祀高帝于明

堂因受計三受計元封天漢太始元封郊祀志天子從禪還坐

明堂羣臣更上壽下詔改元封元年 見寬傳從東

封泰山還登明堂寬上壽曰陛下合指天地祖立明

堂辟雍宗祀泰一臣寬奉觴再拜上千萬歲壽制曰

敬舉君之觴 蕭由傳由治郡有聲元始中作明堂

辟雍大朝諸侯召由爲大鴻臚會病不及賓贊 此長安明

堂後儒林傳序明帝坐明堂朝羣后

漢甘泉朝諸侯

武紀太初元年受計于甘泉 師古曰郡國所上計天

漢四年春正月朝諸侯于甘泉宮後元二年正月朝諸

侯于甘泉宮賜宗室 志方士多言帝王有都甘泉

者其後天子又朝諸侯甘泉甘泉作諸侯邸 匈奴

傳甘泉三年正月單于朝天子于甘泉宮龍以殊禮

位在諸侯王上贊謁稱臣而不名待以容禮 龍駕

清渭之上南

漢中朝 外朝 內朝

傳劉輔上書繫獄中朝左將軍辛慶忌右將軍廉褒

光祿勳師丹大中大夫谷永俱上書云 孟康曰

中朝內朝也大司馬左右前後將軍侍中常侍散騎

諸吏爲中朝丞相以下至六百石爲外朝 王嘉事

下將軍中朝者 龔勝爲光祿大夫尚書劾奏王嘉

下將軍中朝者議勝獨書議 楊惲中書謁者令宣

持單于使者語視諸將軍中朝二千石 韋玄成詔

中朝臣具復毀廟之文 涓勳奏丞相宣願下中朝

特進列侯將軍以下正國法度 朱博有詔左將軍

彭宣與中朝者雜問制將軍中二千石諸大夫博士

議郎議 師丹人上書告丹上以問將軍中朝臣

蕭望之五鳳中詔遣中朝大司馬車騎將軍諸吏光

祿勳大僕問望之計策 崔方進奏陳威不當蒙方

正舉備內朝臣 威爲光祿大夫給事中 成紀建始元年未央宮

殿中朝者坐注晉灼曰內朝臣之朝坐也服虔曰公

卿以下朝會坐也 後鄧后紀元初五年劉毅上書  
曰正位內朝流化四海 周禮注司徒府中有百官  
朝會殿天子與丞相決大事是外朝之存者

傳嚴助爲中大夫公孫弘朝覲奏事因言國家便空  
上令助等與大臣辨論中外相應以義理之文大臣  
數訕 蕭望之故事御史大夫朝奏事會庭中差居

丞相後望之與鈞禮 元帝詔望之給事中朝朔望

王商河平四年單于來朝引見白虎殿丞相商坐未  
央廷中單于前拜謁 西都賦左右庭中朝堂百僚  
之位



漢九賓 又見禮制

叔孫通傳長樂宮朝設九賓臚傳

劉敞謂者九人

蔡質

漢儀德陽殿朝賀作九賓徹樂

百官表大鴻臚注

應劭曰郊廟行禮讚九賓鴻聲臚傳之也

續官志

鴻臚屬官治禮郎四十七人注東觀書曰主齋祠儉

贊九賓 禮儀志大鴻臚設九賓注薛綜曰九賓謂

王侯公卿二千石六百石及郎吏匈奴侍子凡九等

東京賦九賓重臚人列注引韋昭曰周禮九儀謂

公侯伯子男孤卿大夫士也

史記秦設九賓於庭

漢諸王朝京師

後紀顯宗永平二年九月沛王輔楚王英濟南王康

淮陽王延東海王政來朝六年正月沛王輔等九人

來朝十一年正月沛王輔等八人來朝肅宗建初

七年春正月沛王輔濟南王康東平王蒼中山王焉

東海王政琅邪王宇來朝傳東平王蒼永平十一

年蒼與諸王朝京師建初六年冬上疏求朝明年正

月帝許之賜裝錢千五百萬諸王各千萬帝賜蒼貂

裘及太官食物珍果使大鴻臚竇固持節郊迎親循

行邸第錢帛器物充備下詔曰禮伯父歸寧乃國詩

卷之三十一

云叔父建爾元子敬之至也昔蕭相國加以不名優忠賢也況兼親尊者乎其沛濟南東平中山四王讚皆勿名蒼既至升殿乃拜天子親答之其後諸王入宮輒以輦迎至省閣乃下蒼辭曰既賜奉朝請咫尺天儀而親屈至尊降禮下臣每賜燕見輒興席改容中宮親拜事過典故三月大鴻臚奏遣諸王歸國帝特留蒼賜以祕書列仙圖道術祕方至八月飲酎畢有司復奏遣乃許之廣陵侯元壽建初七年肅宗詔元壽兄弟與諸王俱朝京師廣陵王荆之子中山王焉永平二年冬諸王來會辟雍事畢歸蕃詔焉與俱就

國從以虎賁官騎。北海敬王睦。永平中。歲終遣中大夫奉璧朝賀。第五倫傳。建武二十七年。補淮陽醫工長。二十九年。從王朝京師。隨官屬得會見。帝問政事大悅。明日復召入。

**史記**褚先生曰。諸侯王朝見天子。漢法凡當四見。始到入小見。正月朔旦。奉皮薦璧玉賀正月。法見後三日。爲王置酒。賜金錢財物。後二日復入小見。辭去。凡留長安不過二十日。小見者。燕見於禁門內。飲於省中。非士人所得入也。漢之儀法。朝見賀正月者。常一

王與四侯俱朝見。十餘歲一至。

**高紀**十一年二月。

令諸侯王通侯常以十月朝獻。

**哀紀** 嗣爲定陶王。

元延四年入朝。盡從傅相中尉。時中山孝王亦來朝。獨從傅。上怪之。以問定陶王。對曰。令諸侯王朝得從其國二千石。故盡從之。他日問中山王獨從傅在何法令。不能對。成帝由此賢定陶王。

**宋志** 班固禮樂

郊祀馬彪祭祀禮儀蔡邕朝會董巴輿服並各立志。

漢朝會見諸儒

**魯丕傳** 永平十一年。遷中散大夫。和帝因朝會召見諸儒。丕與侍中賈逵尚書令黃香等相難數事。帝善丕說。罷朝。特賜冠幘履襪衣一襲。

京房 宴見注以閑宴時入見天子 馬援引見數十每接燕語

漢會見儀適

竇融傳建武八年夏車駕西征隗囂融率五郡太守

與大軍會高平第一高平有第一城融先遣從事問會見儀

適注猶言儀注也是時軍旅諸將與三公交錯道中或背使

者交相語帝聞融先問禮儀甚善之以宣告百僚乃

置酒高會引見融等待以殊禮隴蜀平詔與五郡守

奏事京師引見就諸侯位

建武四年馬援引見宣德殿

漢奉朝請

宣紀時會朝請舍長安尚冠里注歲時隨宗室朝會  
宣帝爲皇曾孫奉朝請

傳吳王使人爲秋請注孟

康曰律春曰朝秋曰請如古諸侯朝聘也 石奮歸

老于家以歲時爲朝臣注豫朝請 張禹以特進奉

朝請 傅喜位特進奉朝請 馮參以列侯奉朝請

杜緩前免大常以列侯奉朝請 蕭望之給事中

朝朔望坐次將軍 蘇武以著節老臣令朝朔望

光爲大師有詔朝朔望 後官志列侯奉朝請在

安位次三公

前漢

漢官解詁三輔職如郡守獨

奉朝請

列侯奉朝請

後漢寇鄧耿賈加特進朝請而已

建

武十三年耿弇馬武劉賜

十四年陳俊

十五年

臧宮朱祐

十九年鄧晨

劉隆

梁統

鄧禹李

通以特進奉朝請

鄧騭永初中奉朝請位在三公

下特進侯上有大議詣朝堂與公卿參謀

顯宗拜鄧禹太傅進見東向

永平中幸宛詔諸李

隨安衆宗室會見

李通傳

建武七年王常拜橫野將

軍位次與諸將絕席八年隗囂衆潰置酒高會勞賜

中郎將來歛班坐絕席在諸將之右九年郭伋拜穎



川守召見辭謁十九年拜桓榮議郎每朝會令榮於公卿前敷奏經書二十八年大會百官問誰可傅太子宣秉拜御史中丞帝特詔中丞司隸校尉尚書令會同並專席而坐京師號三獨坐鄧太后以張禹爲太傅朝見特贊與三公絕席

魏百官班次

晉官志魏置謁者僕射掌大拜授及百官班次統謁者十人

唐朝集上計

會要貞觀元年十一月許梁州都督竇軌入朝問風

俗十五年正月。上曰。古諸侯有湯沐邑。漢故事立邸舍。十七年十月朔。詔爲諸州朝集使造邸第三百餘所。二十年。有司言。漢儀注。朝賀正月。常一王四侯。十餘歲一至。請每歲二王入朝。禮畢還藩。開元八年十月。敕都督刺史上佐。每歲分番朝集。十月二十五日。至京。十一月朔。見一十二年。詔十日一參。大曆十四年。敕諸州刺史入計。如式。元和十四年八月。魏博田弘正來朝。賜宴麟德殿。五年十二月。義武張茂昭朝京師。故事。雙日不坐。是日特開延英。

唐宣政殿受朝  
朔望宣政殿受朝

會要開元中蕭嵩奏每月朔望受朝於宣政殿先列  
仗衛及文武四品以下於庭侍中奏外辨上乃步自  
西序門出升御坐朝罷起步入東序門然後放仗臣  
以宸儀肅穆升降俯仰衆人不宜得見乃請備羽扇  
於殿兩廂上將出索扇扇合上坐定去扇將退又索  
扇如初天寶十二載十一月中丞奏京官朔望朝參  
著朱衣袴褶五品以上珂傘詳見冕服建中元年十一月朔  
辛酉御宣政殿見朝集使及貢士州府計吏至者一百七十有三兵興  
州郡不上計內外不會同者廿五年至是始復舊典  
貞元七年四月二十八日戊午詔每歲五月一日御宣

政殿見臣僚京官九品以上外官因朝奏在京者並就列令有司重定儀注頒示未編禮式本以五月一

日陰生臣子道長君父道衰非善月也

八年五月乙

卯朔

十四年五月朔宣政受朝見元和三年四月丁

丑以術數之說禮經不載遂罷之先是創有是禮亦

不多行

十年三月朔

壬申

御延英殿對宰臣故事朔

望御宣政殿見羣臣謂之大朝玄宗始以陵寢薦食不聽政後遂以爲常舊紀貞元六年五月景寅朔

上御紫宸受朝以是月一陰主臣子道長父子必以是朔面焉故取朔日受朝七年四月戊午詔仲夏之

時萬物敷暢陽德方茂陰事始承昔者觀其法象因  
天地交會之序爲父子相見之儀豈隔於君臣之際  
起今年五月朔御正殿召見文武百官外官因朝奏  
咸聽就列仍編禮式以爲常典五月庚申朔上御宣  
政殿見百官從新制也元和三年四月丁丑勅五月  
一日御殿受朝賀禮宐停

會要貞觀十三年房玄齡請三日一臨朝二十三年  
詔每日常坐顯慶二年隔日視事

六典注永徽二年

詔太極殿五日一視事

紀唐制以隻日視朝文宗

用隻日貞元十八年七月乙亥罷正衙奏事

六典

正至御承天門以聽政古之外朝朔望坐建極殿視

朝古之中朝皆常日兩儀殿聽朝視事古之內朝

國史慶曆七年詔讀時令禮院約定儀注以通禮參用唐宣政殿朔望朝參儀草定

### 唐紫宸殿入閣儀

官志起居舍人若仗在紫宸內閣夾香案分立殿下監察御史開元七年詔隨仗入閣左右朔中郎將入閣日一人升殿受狀會要貞觀五年正月詔諫官隨中書門下及三品官入閣貞元七年十一月詔常參官入閣不得奔走故事朔望日御宣政殿見羣臣

謂之大朝

立仗正衙

或御紫宸殿則喚仗自宣政兩

閣入所謂東西上閣門也自玄宗前未有此制開元

後以朔望上盤食玄宗欲避正殿遂移紫宸殿喚仗

自閣門入始有入閣之名敬宗寶曆初始以月朔御

紫宸殿入閣開成元年正月

巳酉

詔入閣日次對官

班退立於東階松下須宰臣奏事畢齊至香案前各

言本司事左右起居又待次對官奏事畢方出

敬宗

長慶四年正月卽位二月辛丑御紫宸殿羣臣初展

入閣之儀

五代會要唐制常參官每日朝退賜食

謂之廊餐自乾符後月且入閣日賜食禮畢閣門

放仗羣臣俱拜謂之謝食

五代史李琪傳唐末喪

亂朝廷禮壞天子未嘗視朝而入閣之制亦廢常參

官日至正衙者聞傳不坐卽退獨大臣奏事日一見

便殿而侍從內諸司日再朝而已明宗卽位

後唐乃

詔羣臣五日一隨宰相入見內殿謂之起居李琪謂

非唐故事請罷五日起居而復朔望入閣明宗曰五

日起居吾思數見羣臣不可罷而朔望入閣可復

會要

天祐元年十一月乙酉然唐故事天子日御殿見羣

臣曰常參朔望薦食諸陵寢有思慕之心不能臨前

殿則御便殿曰入閣

玄宗以陵寢薦食不聽政遂以爲常

宣政前殿也



謂之衙衙有仗紫宸便殿也謂之閣其不御前殿而御紫宸殿也乃自正衙喚仗由閣門而入百官俟朝者因隨以入見故謂之入閣然衙朝也其禮尊閣宴見也其禮殺自乾符後因亂禮缺天子不能日見羣臣而見朔望故正衙常日廢仗而朔望入閣有儀其後習見遂以入閣爲重至出御前殿猶謂之入閣至是而復然有司不能講正凡羣臣五日一見入中興殿便殿也此入閣遺制而謂之起居朔望一出御文明殿前殿也

文明殿兩夾曰東西上閣門

反謂之入閣琪不能正

也琪又建言入閣有符制次對官論事而內殿起居

一見而退

五代會要後唐天成元年七月御史臺奏故事每日百官入朝百官辨儀仗金吾勦

契入後有待制次對官各舉論本司欲有言者無由事左右起居分記言動付史館編錄

自陳明宗乃詔起居日事

天成元年八月己亥御文明殿百官入閣如月朔之

儀有言事者許出行自陳又詔百官以次轉對文即

唐貞觀殿梁河平二年改在洛陽

**會要**貞元十二年十月御史臺

奏御史內供奉者入閣日依宣政殿前班位次員外郎之後天祐三年六月勅文武百僚每月一入閣於

貞觀殿貞觀殿朝廷正衙正至受朝賀比來視朔未

正規儀宜於崇勳殿入閣

二殿皆在洛陽崇勳殿後唐日中興五代會要有

入閣儀開

**通監**元和十五年十月壬午羣臣入閣

延英儀

退諫議大夫鄭覃等五人進言時久無閣中論事者  
穆宗訝之 **李渤傳**敬宗晏朝紫宸入閣帝久不出

今按正觀中已有入閣之語不待開元間退御紫  
宸乃云入閣也玄宗亦曰魚袋者五品以上入閣則  
合符 宋庠曰坐朝日卽爲入閣未知何據

唐百官班序 朝參名簿

**百官志**御史大夫朝會則率其屬正百官之班序遲  
明列於兩觀文武職事九品以上及二王後朝朔望  
文官五品以上及兩省供奉官監察御史員外郎太  
常博士日參號常參官武官三品以上三日一朝號

九參官五品以上及折衝當番者五日一朝號六參  
官 文宗又館國子監學生四時參凡諸王入朝及  
以恩追至者日參九品以上自十月至二月袴褶以  
朝五品以上有珂文武三品非職事官朝參各簿皆  
稱曰諸公監察御史舉不如法者鴻臚卿凡四夷君  
長以蕃望高下爲簿朝見辨其等位 會要未徽元  
年十月五日京官文武五品依舊五日一參神龍元  
年四月初令五品以上朔望參日升殿食天寶十四  
載三月一日令分日入朝貞觀六年八月御史大夫  
責殿中侍御史唐臨以朝列不整景龍三年左臺御

史崔涖彈朝班不肅 舒元輿御史臺中書院記御  
史每朝會至含元殿西廡使朱衣從官傳呼促百官  
就班遲曉列於兩觀之下監察二人立於東西朝堂  
輒道以監之雞人報點押百官由通乾觀象入宣政  
門及班于殿庭則左右循使二人分押於鍾鼓樓下  
若兩班就食廊下又分殿中一人爲使葢之謁者承  
旨喚仗入東西閣門分監察二人立紫宸屏下以監  
其出入鑪燹起天丁負斧宸聽政自螭首龍墀南屬  
於文武班則侍御史一人盡得擲舉不如法者

儀衛

志同

唐貞元班序勅

通典貞元二年九月五日勅文武百官朝謁班序中

書門下各以本官序供奉官在橫班序若入閣則各

隨左右省主御史大夫中丞侍御史在左殿中侍御

史在右通事舍人分左右立文武官行立班序通乾

觀象門外序班武次文

含元殿前燕尾道下敘珣舊無此儀雖合於通乾觀象門

南序班

至宣政門文由東門入武由西門入至閣門亦如

之退朝從宣政西門出

周禮先敘六官六典尚書省官本每班請以尚書省爲首

會要貞元二十年十月御史中丞奏准貞元二年

班序勅三院御史常參官兼者入本官班如內供奉

王漢卷八十一  
裏行入御史班三十一年五月又奏準貞元班序勅  
云云  
橫行位次依本班先後

唐朝位

百官志御史臺凡朝位以官職事同者先爵爵同以齒致仕官居上職事官與散官勲官合班則文散官居職事之下武散官次之勲官又次之官同者異姓爲後親王嗣王任文武官者從其班官卑者從王品郡王任二品以下職事者居同階品之上非任文武官者嗣王居太子太保之下郡王次之國公居三品之下郡公居從三品之下縣公居四品之下侯居從

四品之下。伯居五品之下。子居從五品之上。男居從五品之下。以前官召見者。居本品見任之上。以理解者。居同品之下。本司參集者。以職事爲上下。文武三品非職事官者。朝參名簿。皆稱曰諸公。

### 建隆崇元殿入閣

建隆元年八月戊辰朔。御崇元殿。

即天安殿。五行其禮。然御前

設非唐舊美。

設仗衛百官入閣。置待制候對官。仗退。賜廊

下食。

唐貞觀。廊下食起。

三年八月丙戌朔。御崇元殿入閣。竇

儀待制。邊元範候對。十一月乙卯朔。御崇元殿入閣。

趙矩待制。張澹候對。四年四月壬午朔。帝服通天冠。



絳紗袍御崇元殿視朝。執盃吾仗入閣。艾穎待制馬士元候對。八月庚辰朔亦如之。乾德四年四月丙申

朔御文明殿入閣。

即文德殿。

國史云文明當考。

太平興

國二年閏七月丁巳有司謬八月一日入閣。舊儀軍校等不入殿庭起居。文武官至位。椒踏疾趨入沙墀。再拜鞠躬。不呼萬歲。望如冬正朝賀例。軍校陪位拜舞。禮畢先退。門外序立。文武官舞蹈如中書門下班。從之制。下會雨而止。

建隆合班儀

乾德定內外官儀制

爵

符定君臣儀制

建隆三年三月壬午

二十三日

有司上重定合班儀制先

是乙亥詔學士班侍郎之上升六曹侍郎在給舍上

郎中在補闕上員外郎在拾遺上節度使在六曹侍

郎上中書侍郎下

餘如故

乾德二年二月戊申朔重

定內外官儀制

有司請上將軍在中書侍郎下大將軍在少卿監下諸衛率副率在東宮

五品

淳化三年八月有司重定合班儀升尚書令於

三師之上

時將畫正仗圖欲備官故也

五年六月甲

辰詔翰林學士班丞郎之上

祥符元年正月庚寅

二十

八日有司上都亭驛酺宴班位圖天禧二年十一月

辛酉

九日

閣門上大禮稱慶合班圖

皇太子位在宰相上太子懇辭再請

乃許

祥符五年命學士李宗諤陳彭年詳定羣臣儀制九月丁丑奏百官避宰相及歛馬分路之制景祐五年八月閣門詳定合班雜坐儀七年五月癸卯知雜御史王隨請以御史臺新降條目編爲儀制從之立班圖

見圖類

又見禮制類

### 建隆五月朔受朝

三年五月癸亥朔御崇元殿受朝

服通天絳紗陳儀

衛

天聖三年四月上問五月一日御殿故事王欽

若對唐以陰氣始盛設君臣相見之儀然近歲未嘗

行癸亥詔權停

視朔御殿非古也唐德宗以術數之說肇行斯禮元和中以不經罷之後唐同光中復舉行至是猶循舊制熙寧二年罷之

太平興國乾元殿受朝

五月朔如冬正儀

三年三月己酉吳越王俶入朝見於崇德殿寵賚甚厚賜宴長春殿四月己卯平海節度陳洪進獻漳泉二州得縣十四五月乙酉朔御乾元殿受朝仗衛如冬正儀赦漳泉是日俶上表獻所管十三州一軍凡得縣八十六

淳化文德殿入閣

儀注

入閣圖

祥

符入閣圖

淳化二年十一月詔以來月朔御文德殿入閣令史館修撰楊徽之張洎與有司取舊圖定儀注以聞洎上奏曰按今之乾元殿即唐含元殿也在周爲外朝唐爲大朝冬至元日設伏衛朝萬國在此殿今之文德殿即唐宣政殿也在周爲中朝在漢爲前殿在唐爲正衙凡朔望起居凡冊后妃太子王公大臣對四夷君長試制策舉人在此殿也今之崇德殿即唐紫宸殿也在周爲內朝在漢爲宣室在唐爲上閣即隻日常朝之殿也東晉太極殿有東西閣唐制紫宸上

閣法此制也所謂入閣者蓋隻日御紫宸上閣之時先於宣政殿前立黃麾金吾仗俟勘契畢喚仗自東西閣門入故謂之入閣今朝廷以文德正衙權爲上閣非憲度也切見長春殿正與文德殿南北對請改朔此殿以爲上閣作隻日立仗視朝之所其崇德崇政殿卽唐之延英殿也爲隻日常時聽斷之所疏入不報上以入閣舊圖承五代草創禮容不備命徽之等討論故事別爲新圖十二月丙寅朔上御文德殿羣臣入閣禮畢賜百官廊下食唐制朔望天子御宣政殿受百官起居及諸司奏事仗衛如式恭宗始於

紫宸殿展入閣之儀三年五月甲午朔御文德殿羣

臣入閣先是舊制入閣惟殿中省細仗隨兩省俱奉

官先入陳於廷上以爲儀衛太簡命有司增設黃麾

仗二百五十人其殿中省細仗仍舊唐以月朔行之後唐天戌初又

以月咸平二年八月辛亥朔御文德殿羣臣入閣

祥符三年閏二月辛亥朔李迪待制杜夢七

年四月二日東上閣門使魏昭亮言閣門入閣圖殿

上侍立臣僚皆唐時職官與聖朝名品不同望依新

定儀制別畫副本有司永爲定制詔禮儀院詳定

國史李淑傳議入閣曰唐寶曆後常以月朔御紫宸

行入閣儀。聖朝太祖五行其禮，多循崇元殿備殿中  
金吾諸仗設待制候對官。崇元卽今天安殿也。乾德  
之後，改御大明殿。卽今集英。太宗三行其禮，別定新  
儀。就文德廷增設黃麾仗。眞宗亦三行之。繪圖講習  
藏之禁閣。藝文志。景祐三年詔賈昌朝與丁度李  
淑采國朝律歷典禮日度昏曉中星祠祀配侑歲時  
施行者約唐月令定爲時令一卷以備宣讀而淑定  
入閣儀異於通禮。明年詔因入閣讀時令尋停。張  
洎傳淳化中上令史館修撰楊徽之等四人脩正入  
閣舊圖洎同奉詔因詔討論入閣故事獨草奏以聞。



又請準舊儀侍從官先入起居畢分行侍立於丹墀之下。謂之俄眉班。然後宰相相率正班入起居。唐初五日一朝。景雲初始修貞觀故事。肅宗而下咸隻日臨朝。隻日不坐。雙日等相當奏事特開延英召對或蠻

夷入貢勲臣歸朝亦特開紫宸引見

望依舊規隻日

視朝隻日不坐。其隻日於崇德崇政兩殿召對宰臣常參官以下。及非時蠻夷人貢勲臣歸朝亦特開上閣引見。奏人不報。

景祐定入閣儀注

景祐三年正月丙午詔知制誥李淑等重修閣門儀

制其入閣儀注頗省去煩文四年二月二十二日庚子詔五月朔行入閣之禮仍讀時令先是詔國朝時令委編修官約唐月令撰定以備宣讀於是賈昌朝等采國朝律令典禮日度昏曉中星及祠祀配侑諸事當以歲時行者改定爲一篇上之遂詔因入閣行其禮 寶元二年十二月十二日戊辰參政宋庠言近奉德音詢及入閣故事臣雖畧陳梗槩理有未詳退而講求故事夫入閣乃有唐隻日於紫宸殿受常朝之儀也謹按唐有大內有大明宮宮在大內之東北世謂之東內謂大內爲西內自高宗以後天子多

在大明宮宮之正門曰丹鳳門門內第一殿曰含元  
正至大朝會則御之對北第二殿曰宣政謂之正衙  
朔望大冊拜則御之對北第三殿曰紫宸謂之上閣  
亦曰內衙隻日常朝則御之據唐制凡天子坐朝必  
須立仗於正衙或乘輿止御紫宸卽喚正衙仗自宣  
政殿兩門入是謂東西上閣門也以國朝之制相比  
則今之宣德門唐丹鳳門也大慶殿唐含元殿也文  
德殿唐宣政殿也紫宸殿唐紫宸殿也今欲求入閣  
本意施於儀典卽須先立仗於文德之廷如天子止  
御紫宸則喚仗自東西閣門入如此則差與舊儀相

合但今之諸殿比於唐制南北不相對以此爲異耳  
又按唐自中葉以還雙日及非時大臣奏事別開延  
英殿賜對若今假日御崇政延和是也乃知唐世每  
遇坐朝之日卽爲入閣而叔世離亂五朝草創大昕  
之制更從易簡正衙立仗因而遂廢其後或有行者  
常人所罕見乃復謂之盛禮甚不然也今相傳入閣  
圖者是官司記常朝之制如閣門有儀制勅合班雜  
坐圖之類何足爲希闕之事哉况唐開元舊禮本無  
此制至開寶中諸儒增附新禮始載月朔入閣門之  
儀又以文德殿爲上閣差舛尤甚蓋當時編撰之士

討求未至太宗朝儒臣張洎論奏頗爲精洽欲下兩制改正舊儀詔兩制詳定學士丁度等奏今殿閣與唐制不同宜且仍舊從之

慶曆七年三月戊子詔禮部停所上立夏讀時令儀

熙寧三年五月知制誥宋敏求言奉詔詳定閣門儀制如文德殿入閣當御紫宸殿方合舊制詔學士議承旨王珪言入閣者乃唐朝隻日紫宸受常朝之儀非盛禮王子詒罷之

二十三日學士院奏

六月九日閣門奏

文德殿無受朝儀下兩制詳定

### 景祐百官表位

景祐四年九月庚戌詔閣門於紫宸垂拱殿刊石爲

百官表位嘉祐四年六月二十四日御史臺請於紫宸垂拱兩殿庭石位鑄定班次以官位序班員多者重行員少者合班序立

太平興國五年九月丁未詔曰表著之設蓋有等威闕庭之儀所務恭肅故離立族談者罰之所及蹴芻齒路者誅之必加所以辨名器之差正班爵之序賈生設堂陛之喻蓋明天子之尊叔孫造縣繩之文式彰王者之貴

李宗諤言朝會圖門下省典儀設版位御史中丞班在丹墀上兩省官後立

熙寧文德殿視朝儀

正衙視朝之儀

志三年

會要二年六月九日

修閣門儀

制宋敏求言本朝唯入

閣御文德殿

司馬光言文德殿爲天子正衙

今不用入閣儀遂闕視

朝之禮請下兩制及禮院約唐御宣政殿制裁定爲

文德殿朔望視朝之制諸學士院詳定四年正月甲

寅學士韓維等上其儀以入閣舊圖增損裁定其儀

前一日供帳於殿庭金吾執儀刀天武執繖扇黃麾

結止傳教信幡龍頭竿戟列于東西門外立仗青龍

五嶽五龍旗列于東白虎五星五鳳旗列于西御馬

東西皆五匹設御幄于殿後閣其日金吾押本衛仗

殿中省押細仗東西對列四年五月乙酉朔初視朝  
于文德殿 元豐四年五月十九日視朝

天禧五年十月十日中書密院請準故事五日一御  
便殿 皇祐編敕正衙常朝及橫行並宰臣立班常  
朝日輪宰臣一員押班 祥符初授宰臣依故事赴  
文德殿押班 治平四年五月癸未詔春分秋分後  
辰正牌上垂拱殿視事未退宰臣更不過文德殿押  
班 初沿唐故事百官日赴文德殿宰臣押班謂之  
常朝休假三日以上內殿起居官畢集謂之橫行宰  
臣以下應見謝辭者皆先赴文德殿謂之過正衙 正



衙謂之外朝

先詣正衙方許入對

元豐四年御

史滿中行言今垂拱內殿宰臣以下既已日參而常朝不廢至於橫行正衙必俟天子御殿日乃可行之虛名謬例欲望罷去十一月己酉詔從之

元豐大慶殿朝會圖

四朝志元豐元年詳定正旦儀奏用黃麾仗二年詳定冬會等儀又言御殿儀仗有黃麾幡一而無黃麾請製大麾帝曰姑闕之二年詳定所又言昨定朝會圖於大慶殿橫街北止陳大輦逍遙平輦而輿未陳也當增設輿一小輿一改製偏扇團方扇爲三等繡

惟凡朝會平輦逍遙並陳東西龍墀上 政和三年  
四月議禮局上大慶殿大朝會儀衛黃麾大仗五千  
三十五人文德殿視朝黃麾半仗二千二百二十五  
人文德殿發冊黃麾細仗一千四百二人

紹興文德殿視朝

紹興十二年十一月三日禮部侍郎王賞言朝會之  
制正至及大慶賀御大慶殿與文德紫宸垂拱殿禮  
制不同月朔御文德殿謂之前殿正衙設黃麾半仗  
紫宸垂拱係別殿不設儀仗今欲先舉行文德殿視  
朝之制十三年文德殿視朝用黃麾半仗二千四百

十五人六月紫宸殿望參設黃麾角仗先是十二年  
十月二十七日有司請講求常朝視朝正衙便殿之  
儀於是討論朔日文德殿視朝紫宸殿日參望參垂  
拱殿日參四參及垂拱紫宸殿上壽之制請先御正  
殿視朝時行宮止一殿乃以射殿爲崇政殿朔望設  
帳門以爲文德紫宸殿宣制以爲文德殿拜表聽批  
答以文德殿東上閣門又以內諸司地爲垂拱殿四  
參於殿門外設位版真道二年九月七日閣門定垂  
拱殿四參之儀

紹興十三年二月壬戌上初御前  
殿特引四參官起居自建炎以來始有此禮四月三

十日閣門言垂拱殿已砌石位其字與石色一同百  
官難以辨認請四參石位裝字以黃蠟日參石位以  
紅蠟從之四月丙戌詔宰執四參官赴垂拱殿習看  
石位

宋敏求曰文德殿曰外朝凡不釐務朝臣月赴是謂

常朝垂拱殿曰內殿宰臣以下及武班日赴是謂常

起居每五日文武朝臣赴內朝謂之百官大起居

凡三等蓋天子坐朝莫先於正衙於禮羣臣無一日  
不朝者正衙雖不坐常參官猶立班俟放朝乃退

漢宣帝地節二年五月始親政事五日一聽事自丞相以下各奉職奏事 魏黃初五年五月有司以公卿朔望日因奏疑事聽斷大政 王肅曰周官五日視朝漢宣帝使公卿五日一朝成帝始置尚書五人自是朝禮遂闕可復五日視朝之儀使公卿尚書各以事進廢禮復興光宣聖緒 元魏孝文謂穆亮三代之禮日出視朝漢魏已降禮儀漸殺晉令有朔望集公卿於朝堂而論政事亦無天子親臨之文 唐每月凡九開延英延英對宰臣日未御內殿前令閤門使傳宣放班 高宗五日一御太極殿視事 代

宗於紫宸聽朝常限三人奏事 天禧五年十月十日輔臣請准故事五日一御便殿及朔望坐朝